

段酉方彙編
卷一

1-126

F-114²

492
Ih
2

No. 2285
126



富士川文庫

2652

醫方彙編卷一

英國醫士梅勝更口譯
慈豁銘之劉廷楨筆述

天台陳子耕

受業

銘三劉廷銓

同校

銘新劉廷璋

小產 或名滑胎 Abortion.

產科推此症甚爲惹厭。一經小產。則下胎亦所不免。且月期亦可預定。
如頭胎於第三月小產者。則下胎亦必在三月。所謂滑胎是也。故預防
小產。宜問其前胎落在何月。於是月宜更加小心。

治法分三。一。如每胎小產者。宜設法不使墜落。二。將要小產者。須預防
之。^三不得已定要小產者。治法如何。

一。每胎小產者。概爲花柳之毒。或本身自患。或祖父遺傳。有此症者最

易小產。宜內服汞雙綠。服至第六月爲度
如流口水停服 最多服三十二分厘之一。日服三次。或用銀灰散成丸。每丸半厘。日服三丸。如本身無花柳之毒。而由遺傳者。宜服鈍碘。日服三次。每次一分。大約小產之時。與平素天癸之來同。日宜于此日格外小心。服汞綠鈍碘鈍綠。或服 *Ext. Viburnum*。每服三分厘。日服三次。其餘如頭胎墜落。由于用力過度跌打等故。一經有孕。自當格外致意。預防爲要。

二。如孕婦子宮流血肚痛下墮者。是要小產之時。急宜設法。保其不產。速令孕婦平臥板床。衣被須要輕鬆。不可重壓。其內服之藥。以鴉片爲最要。每服鴉片膏一厘。日服三四次。咖啡亦可代用。或服鉛醋三至五厘。日服三次。或服毛地黃酒十滴。日服三次。該藥宜合鴉片同服。其功更偉。如胎兒已死腹中。或服藥時尙生未死。醫者時時留心。知其已死。服藥無濟。宜速下之。因胎兒在腹。子宮時時舒縮。如已死再服鴉片等。服藥無濟。宜速下之。因胎兒在腹。子宮時時舒縮。如已死再服鴉片等。

藥。更使子宮收縮。反有碍于生產也。如胎兒死于腹中。易使毒氣染及產母。甯使胎兒產下。愈速愈妙。

三。用藥無濟定要小產者。宜內服了葛流膏二十滴。又用棉花浸加波匿酸甘油。甘油橄欖油均可用 一至五十。或硼酸水。塞入子宮口。所以提激子宮。有力舒縮。過二十四點鐘。或三十六點後。將棉花取出。胎兒亦隨之而下。如仍不下者。用指伸入子宮口。探取可也。此法最妥所以催促胎兒速速落下否則無如此之速也 胎兒既下。宜用加波匿酸水。一至三十六 用水節將子宮內面洗射極淨。或用汞雙綠水。五至射 洗亦可。所以用加波匿酸水。時時洗射者。以免產後諸病。如胎兒死于腹中者。更宜頻洗。因腐毒在子宮內。如洗之欠淨。則白帶等病疊出。且再孕仍難免乎小產也。如產後流血者。子宮未淨之故。宜用手。指伸入刮淨。後用戒毒藥水洗之。其飲食宜服牛乳滋潤之物。惟子宮每日用戒毒水射洗。七日而後已。

膿瘡 又名 生毒 Abscess.

尙未成毒。用藥散之。內服鎂礦養與金雞那。或服蘋茄酒十滴。日服三次。或服石礦養十分厘之一。日服三次。但不甚效。或平其血脉。使其安臥。患處用蘋茄膏一錢。甘油十錢。調勻搽之。或壓熱水。使微絲血管脹大。將毒吸去。或壓冷水。使血管收縮。不使血積。如瘡在四肢。宜高擋。使血倒迴。或在該處放血亦可。○若已成膿者。宜外壓熱劑。使其速速變熟。開刀則愈早愈好。如用刀止痛。可用呻吟噴射瘡面。或用濃加波匿酸搽抹一條片。時即變爲白。此處之腦筋木不知痛。當即用刀可也。大約開刀最要者。刀口須大而深。則收口愈速。并無倒潰之患。刀後所用解毒生新之藥如下。均可酌用。○加波匿酸一兩。化沸水三十九兩。待冷用之。或淡火酒。Methylated Spirit. 十兩。汽水三十兩。或錠綠二錢。化水四十兩。或汞雙綠五厘。汽水四十兩。忌用井水或銚鑑養二分。汽水四十兩。或硼酸二兩。熱水四十兩。或呴嚙甘油 Boroglyceride. 二兩。水三十七兩。或碘酒六滴。水三十九兩。

以上諸藥。或洗或壓。或浸絨布塞入刀口。均可。倘膿瘡與腐骨連者。則以上諸藥。宜加濃一倍。或用錠綠水一至十。或濃加波匿酸。亦可內搽。如搽膿瘡之內皮則恐過濃。惟骨爛者搽之則可。又碘片一兩。加波匿酸四兩。相合用棉花搽之。搽後用以上各藥再射洗之。或開刀之後用硼酸粉洒在刀口。再用芝麻壓藥壓之。或用沙利沙棉花。硼酸棉花。喉嚨防棉花。熱水浸濕壓之亦可。如瘡近肛門或小便或子宮等處。開刀愈離遠愈好。○如膿瘡變舊成管成穴者。治法有三。一。宜解毒。二。用皮管流通膿水。三。在別處再開一孔。

其內而相通最深之處再開一孔。○如險處及深窪處生瘡者。先用刀在皮上割一條。不可過深。後用鼻癟鉗放入深處。張而開之。膿自流出。後將鉗取出。再用皮管放入流通其膿。○大約在醫局開刀之後。最便之法。用加波匿酸麻絲。

或柏油麻絲先洗淨刀口。後用麻絲蓋上。外加油紙一層。包紮可也。如毒在深處。麻絲不能放入。宜滴入安息香酒少許。此酒最能解毒。且使內皮易於收口。如可以將麻絲納入深處者亦可。因麻絲能引膿外出也。○近來瘡科小心解毒之法。即將刀器以及各種物件。均用加波匿酸水_{一至二十}浸一夜。次日開刀時。以此水洗手與瘡口。開後宜將刀口內面括淨。用加波匿酸布貼上。外包加波匿酸布卷。再外包平常布卷一層。每日洗換時。亦照此式。如加波匿酸過烈。可用硼酸。

有美國醫士名懷兒者。其治瘡科不用刀法。無論瘡之大小。俱用抽氣瓶。用針刺入。將膿抽出。後用輕雙養水。Solution of Peroxide of Hydrogen。射入至滿。連射五次。後用汞綠水。一至五百射放五次。將針拔出。外貼喉嚨。疎以汞綠布卷。越四至十日。不換而愈。

胃酸 又名胃痛嘔酸 Acidity

此非病症。乃病狀也。有時咽酸。胃多疼痛。概在飽肚。因胃汁加多之故。此水嘔時覺熱而酸。其中乃乳酸。醋酸。及白塔酸。Butyric Acid。三質合成。而其所以咽酸者。爲胃中有白糖漿粉。及油類。相合發酵之故。其所以發酵者。爲胃汁極少。消化極緩所致。治法。宜忌酸物。用蛤蜊藥可解此酸。最效用鰣雙炭養。或鰣雙炭養。宜服二三錢。但服一次足矣。如病重不效。則用鋸礬養取吐。使胃中之質盡行吐出爲妙。如常服鰣雙炭養。恐有別症發出。可服乳酸卑百新。Lactopeptine。三分至四分半。日服一次。或服巴卑粉。Papain Powder。二釐。日服一次。如久病。或胃兼癰瘡。與別病者。宜用硼酸水節洗胃。或服鷄阿蘇一滴。或加波匿一至三滴。日服四五次。或沙利沙酸一二分。或薄荷油五滴。或丁香油五滴。或鎂炭養粉。或銀淡養八分厘之一。成丸服之均可。○一方善能除其病根。用鉢炭養一分。重鎂炭養一分。嚙啡二十分厘之一。合成散服之。日服

三四次。○如合鴉片同服者。宜用極少。因恐腦部過熱。其痛反重。○一方鉢養分半。乳酸彼百新分半。檳榔雜粉四厘。相合服之。每日三次。○又方鎂炭養一分。巴卑粉二厘。鴉片粉八厘之一。相合服之。每日三次。○此外或服淡酸類。或植物苦劑亦效。又酸甜漿酒。以及易於發酵等物。均忌食之。鮮肉油鷄等。或可食之。惟鮮乳宜去油。合鉢雙炭養。或鉢雙炭養。或石灰水。內服爲最佳。

痘瘡 Acne.

治法分內外兩種。一內治之法。如此症兼有胃病遺精。或婦女月經等病。先宜預治。凡甘甜酒漿等發酵之物。以及皮酒。切宜忌之。其兼胃病者。最效大服鉢劑。其有兼患洩精者。宜服鍊溴。輕淡溴。凡此症初起之時。宜服汞丸。每二三日一服。亦有大服魚油以取瀉者。惟此法在瘦體則可。肥體恐有不妥。不如服鹽類微利之劑。如鎂檸鹽等類可也。○一

方鐵礦養二分四。淡礦酸一錢。鎂礦養四錢。鑄礦養四錢。薄荷水加至十二兩。每服一大匙。日服二三次。或內服硫礦粉。一至二分。調黑糖露或橘皮醬。每日二三次。○或內服石礦養丸。十分厘之一。日二三次。藥二
可試服其舊症纏綿不愈者。宜試服鉛石水。每日四次。每次三滴。飯時服之。約二月停服。改服淨礦粉。約半月後。再服鉛石水。如鉛石水經久常服不止。則每晚添服硫礦粉一錢爲要。此外如蘋茄。鍊溴。銀養。銀淡養。燐。了葛等劑。均可內服。但無大效。其有取效者。所以治其病本。非治表之藥也。

二外治之法。不一。今試錄其效驗者。如初起無疹時。須用熱水肥皂洗之。後用毛巾揩擦。或以面盆盛沸水。取其熱氣薰蒸患處亦可。如有小疹子。內有定質。或有膿者。宜擠而出之。或以鵝管或錶匙。抑而出之。用藥亦無用處。或以石粉或細砂。或白雲石。先將疹子之頂磨薄。後則易於擠

出後以一方淨礦粉二錢。爐甘石四分。火酒一兩。玫瑰露九兩。相合。
○又方。淨礦粉二錢。爐甘石半錢。玫瑰露五兩。石灰水五兩。挨地壳倫
香水三錢。相合。搽擦該處。自易告痊。以上乃治症之輕者。其症之重者。
可先用雙汞綠一分二厘。火酒一兩。化合。搽之。再用杏仁汁八兩。合甘
油一兩。搽抹。每日二三次。次早宜先用熱水肥皂洗揩。然後搽以此藥。
如無爐甘石可
用鍾養粉代之
倘用水藥不便者。一方。淨礦粉半錢。爐甘石半錢。闌納林一
兩。加波匿酸半分。調勻。搽之亦可。又方。汞輕淡綠三分。安息豬油一
兩。調合。搽之。偉倫氏常用之方。頗稱靈驗。其方用輕綠礦粉一錢。猪
油一兩。調勻。搽在患處。亦有先將內質擠出。後以鉛醋油或鉢油二
錢。闌納林或豬油一兩。調合。搽之。如有膿泡。不可多用肥皂。或必不
可少。則用油皂可也。Over-fatted Soap。并忌揩擦。如患處紅熱而炎者。
一方。鉛醋四錢。火酒兩半。玫瑰露十兩。先以沸水薰蒸。後搽此水。功
效而止痛。如皮厚而硬者。先用毛巾擦之。後用淡黃汞養油。或海氏
綠皂水。其方用綠皂四兩。火酒二兩。拉文大酒一錢。化合。搽之。或以鍊
輕養水四錢。伊而達花露九兩半。相合。搽之。又郝氏方。乃先將內質
擠出。後用濃鐵綠酒滴在其上。或以加波匿酸三至五滴。化水百分。以
巾浸濕。擦之後。再以沙利沙酸一錢。火酒八兩。搽在患處。如油管閉。用
礦粉二兩。石灰一兩。水百六十兩。煮後。取其澄清之水。搽之。
如膿泡多者。則用綠皂水。擦之。如病症極重者。○一方。納勿石林一錢
半。礦粉兩半。闌納林二兩。綠皂二兩。作油。搽之。或碘礦油亦可。亦有用
濃加波匿酸。或濃鐵酒滴治者。如以上之法。均難奏效。宜用猶納氏之
法。無不告痊。猶納氏方。○安息香鍾養油十錢。米漿粉五錢。立坐新
三分。汞雙綠三釐。先用汽水合萬納羅香皂洗擦。後搽此油。○又方。闌
納林猪油。石礦水。養氣水。每二錢半。礦粉一錢。相合。搽之亦妙。

酒皰赤鼻 Acne Rosacea.

此本疮瘡之類。而病根實在胃經。若以治疮瘡之法。以治此症。決難取愈。此症初起。第在鼻部變紅之時。若不早治。以至漸久漸紅。兼有疹粒。赤熱。多難奏痊。故初起須先顧養胃經爲要。切忌酒類辛辣之味。每日飲食須當按時。并內服蛤蜊之劑爲要。○一方鉢炭養一分鎂炭養一分。鴉片粉十六分釐之一。相合作一次服。每日三次。須在飯前服。○又方大黃雜粉一兩。龍胆草粉一兩。鑄雙炭養一兩。相合。每飯後服一小匙。用水化。○或常服瀉劑亦可。如汞丸四釐。洋合莞二厘。作一次服。隔三日一服。頗效。此症爲胃腦筋過于提神。所以累及鼻部血管放鬆。故取治宜安胃腦筋。則赤鼻自退。其方用安的拜林十分。哥哥流膏二兩。橘皮酒一兩。甘油一兩。相合。每飯前服半大匙。功能安胃腦筋。○又方幾阿蘇一滴。合糖露服。每飯前一次亦效。或婦女忽而月經斷息。而

患此症者。爲腦筋累及之故。宜大服鑄溴。合鉢石水一二滴同服。每日三次。○又方鍊碘四分。鍊溴一兩。鉢石水錢半。撒末拔酒一錢。哥羅方水到十二兩。每日三次。每次一大匙。至于外搽之藥。未見大效。如鼻部不大紅熱。可用鑄雙炭養一兩。水三十兩。逐時洗之。或一方鉛醋水四錢。闡納林二兩。調勻外搽亦可。或以鉢油合豬油。或闡納林或弗士林調油。先搽鼻部。後再以鋸油。鉢炭養漿粉等。合散撲之。亦可。或以針刀刮剔。或以電針刺之。或大者以火刀割之。

四端變大 Acromegaly.

乃四肢頭面一處變大。概無治法。大抵服止痛平腦之劑。如克撒而仍 Exalgine。虛弱者宜補益之。

馬狗毒症 Actinomycosis.

此乃毒症。由狗馬傳染于人。病在牙床骨一塊潰爛。倘見馬狗患此。速

宜預防。萬一傳之于人。當將患處黃塊即此症。別刮盡淨。亦有在牙骨。或肺部兼患此者。醫者宜剔刮盡淨爲要。

皮變紫銅色 Addison's Disease.

此症由安得氏 Addison's. 察出。故以其名名之。其病狀。皮膚變如紫銅之色。大約兼有少血嘔吐。故治當補血止吐。鉻劑極效。或謂碘劑內外用之。均有效驗。又謂金綠銀綠銀養鈎石。安的拜林諸藥。均無效驗。目下尚在考覈。未得妙治之法也。

溺涵蛋白 Albuminuria.

此症大半由內腎之病而起。如無內腎症而患此者。極少。間有胃肝之病。所食蛋白不化。徑至溺中。如此。宜服牛乳。或卑百新可愈。或飲馬乳亦效。作馬乳法。水十兩。已取白塔之淡牛乳十兩。生牛乳八十兩。白塊糖一兩。相合。置在溫暖處。過三十六點鐘後。可食。此乳卽內腎蛋白之症。亦可服之。其爲內腎之症而起。有發熱者。宜先治熱症。如爲血道心經肝縮等症所致者。宜先治各症爲要。或服補心劑。并宜蒸氣引汗法。用被單浸熱水。裹全身發汗可也。如內腎舊症。則服鐵劑。極有效驗。

亦有忽而溺涵蛋白。身無他症者。只須靜養服牛乳自愈。溺涵蛋白。亦有不由內腎之病。而由腎溺管。或膀胱或膀胱核等處發炎。以致蛋白隨溺溢出。醫者宜細辨之。又如孕婦溺多蛋白。毫無緊要。可不必治。○溺涵蛋白症。所服之藥。如茄菲精。石灰水。哥拜把。炭匿酸。綠養冰。鉛醋。了葛。蟹螯。金綠。白礬。鏗綠。松節油等。均經試驗。概無用處。其詳細之法。詳後腎經舊炎症。

酒醉 又名酒隔 Alcoholism.

有量窄而醉者。有逾量而醉者。有醉而顛狂者。有醉而安靜者。其量窄而醉者。用輕淡醋水。每一刻服四錢。至醒爲度。○又方。輕淡炭養一

錢。用二兩醋化。作一次服。其或酩酊不能服藥者。宜以比魯介賓三分釐至半分釐。用皮膚針射入。極有效驗。亦有以哥根射入皮膚。或投以芥菲茶。芥菲精。間有效驗。惜藥性至緩耳。如酒性已退安睡者。宜以胃水節洗之。或以冷水拖擊皮膚。或電震均可。○如醉吐作痛者。莫妙在胸膛貼芥辣膏。并射嚙啡水。或吞食冰塊。○一方善能安吐。鉢炭養三錢。淡輕炭淡酸一錢。樹膠水兩半。嚙啡水二錢。哥羅方水到四兩。每一點鐘服小匙。以上乃治醉時之病情。○如常醉宿疾。宜以幾阿蘇五至十滴。冲水四十兩。洗胃。○如久病嘔吐。宜服幾阿蘇合嚙啡成丸服。○又方鉢炭養一分。重鎂炭養半分。作一次服。偉倫氏常投以辣椒酒十至十五滴。善能止吐。并戒酒癖。患此症者。平時飲食。最宜者如淡牛乳。鈳炭養與蛤蜊水。○如已成酒隔。療治頗難。惟有飲食謹慎。切忌油膩。常飲馬乳。淡牛乳。蛤蜊水而已。每日可飲數十次。或兼飲鷄汁牛

肉汁麥汁。

以大麥煮熟便易

佛倫典牛汁等。切勿飲酒再醉。戒酒之法。或緩緩戒除。

或一時戒除。貴醫者斟酌。如年老體弱。心房有病無力。或屢日不寐。則宜緩戒。仍須投以忽斯格酒。每日六兩。分數次按時服之。合牛乳鷄汁等同服爲佳。○如酒已斷而癮常發者。可以輕淡香酒二兩。金鷄那酒二兩。辣椒酒一兩。相合。每服一錢。合蛤蜊荷蘭水同服。○又方哥哥流膏二兩。荳蔻酒二兩。肉桂酒一兩。相合。每一點鐘服一錢。○又方查白蘭達酒五錢。奇拉大酒店二兩。水到二十兩。相合。每四點鐘服一中匙。偉倫氏謂馬前精善能止酒癖。其方以馬前酒二錢。樟腦水十二兩。每一點鐘服一匙。或常時以哥哥葉并白木代荳蔻咀嚼可也。如酒癖已去。宜服鷄那。金類酸劑。植物苦劑等以補之。如病愈而常犯嘔吐者。宜服鉢炭養。或鋸養合嚙啡二十分釐之一。○又方鉢炭養一兩。拉羅斯水六錢。或代用淡輕
裏酸一錢 水到十二兩。每二點鐘服一匙。合檸檬汁服。如醉

後人覺無力頭暈不睡口乾者。宜服鷄那霜二分半。淡綠淡酸六錢。淡鷄那流膏三錢。水到十兩。每日三次。每次一大匙。○大凡酒醉不睡。忌服鴉片。綠養冰等甯睡之劑。恐心經有碍也。宜服銻溴爲妥。約三點鐘服一次。每次二分。合上文輕淡香酒與辣椒酒劑同服可也。

目瞽 Amaurosis

有爲眼腦筋壞。眼球毫無病狀而瞎者。不治。有爲大熱症。一時眼瞎者。亦腦筋之病。宜服馬前精。或謂用皮膚針射入二十五至十二分釐之一。較內服更效。并外用電震。一納頸後。一納眉輪。其爲花柳毒體者。宜服銻碘汞綠。亦有流血過多雙目頓瞽者。亦有瘡瘍久潰。體弱而瞽者。治宜內服鉛石水。外射馬前精。或服金綠合鑄綠丸。并服瀉劑。太陽穴宜貼弔膏。或射比魯介賓三分釐之一。或聞淡養氣。或每夜大服山道年。均有效驗。

目矇模糊 Amblyopia.

一爲吸烟過多。二醉酒。三鉛毒。四服金鷄那霜過多。五霉毒。

治法。一宜忌烟。大抵年輕易治。年老難治。內服補劑。并射入馬前精十六分釐之一。至病稍痊。改服呻嘶嶺補藥。或鍾礦養。每飯後服五釐。或電震。或服金鷄那霜。每一二釐。如服後覺耳鳴病重者。忌服。或射入比魯介賓亦可。二因飲酒過度者。忌酒。餘同上。三爲鉛毒者。忌避鉛質。內服銻碘鑄碘。并鍊礦養。最好合荷蘭水等同服以瀉之。或以硫磺泉水沐浴。以引鉛毒外出。并電震。如溺有蛋白。病則更重。醫者宜常覈之。亦有孕婦患此症者。宜服瀉劑。并熱水引汗法。如病漸重。不得已惟有下胎一法。并隨服瀉劑爲要。

脫髮 Alopecia. (See Baldness.)

見後。

經閉 Amenorrhoea.

其病由不一。治法亦異。大約經閉之故。一爲全體之病。二爲子宮之病。是以治之之法。不外補身。以及行經之劑。如血薄者。宜服鐵劑等補之。如子宮病者。宜服了葛等行之。如生而無經者。俗稱白身。爲子宮部位未備之故。不必治。亦有爲陰道異體。或門戶閉塞不通者。宜割。割後以汞綠水五千洗之。如年已及笄。尙未行經而無他症者。須改換水土風氣。不必妄服藥餌。自貽其誤。如月經未行而兼患他症者。宜照症治之。如處女月經將行未行。每月第覺面赤頭痛腰痛乳脹全身不舒者。此時可以服藥。并坐熱水盆。百三度熱或以絨布浸熱水。壓小肚與腰部。每日一次。連用三四次。當服白賴地一兩。番紅花酒三十滴。薄荷油十滴。每日一次。亦連服三四次。又方或服沙文油拉得油。但此藥性偉烈。醫宜慎之。偉倫氏常用熱水絨布包裹小肚。再射比魯介賓六分釐之一。當時即

見經水頻行。如月經來時。覺身熱面赤不舒者。可服草烏荳酒半滴。山米斯酒三滴。作一次服。如經期將到而無面赤身熱等症者。最宜鐵丸補血。血足經自行耳。○一方代力斯得鐵每服半錢。○又方鉛石水二滴。鐵綠酒十五滴。合服每日三次。如大便常閉者。宜服鐵亞羅丸。○亦有年已長大。身體毫無病狀。而月經不行者。無藥可投。宜以電震。一納腰部。一納陰戶。如經水已通。越一二年復閉者。概爲血薄之故。治其病由可也。宜服鐵丸。凡服鐵劑者宜預服瀉劑○一方代力斯得鐵水二兩。甘油兩半。如斯加拉流膏半兩。相合。每日三次。每服一錢。加服鐵劑後。有頭痛身熱胃閉舌苔者。○一方淡輕綠淡酸四錢。馬前酒二錢。龍胆草湯加至七兩。每服半錢。日三次。其餘如飲食宜清。衣服宜緩。下肢宜熱。每早晚宜運行全身。出行走爲要。附行經之劑。一了葛。惜其性欠速。有連服三四禮拜方見效者。大約宜鐵劑同服。一方了葛一釐。鐵炭養散。

三釐。亞羅一釐成丸服。欲知此藥之驗與否。宜大服了葛數劑。不見效者。不必再服。^二拉得油沙文油。每服三滴。但其性太烈。能使子宮子核發炎。用之宜慎。^三山道年。每晚服五至十釐。連服二三夜。有服之見效者。有不效者。醫者須知此藥大服亦有險處。故宜合草麻油同服。^四金鷄那霜。每服一分至分半。連服二三夜。能行經水。如服二次不效。不必再服。^五海拉縛兒。有用之得效者。有不效者。概不多用。^六草烏荳酒。山米斯酒。有時頗有效處。^七倭比阿海。服三至五釐。有謂鍊鍊養。凡血極薄與血極旺之人。服此三釐多效。有謂鍊鍊養功效亦同。有謂蟹螯酒。功稱第一。必能行經。惟性毒而熱。恐累及內腎等部發炎。其服法每次先服一滴。後漸加至八滴爲度。惟偉倫氏平生不用此酒。或云服薄荷油十五滴亦可。或云輕淡圭阿禁酒。善治處子先患風濕。後患經閉者。服此大效。亦有服鍊鍊。每次一分至二分半。亦有內服查潘闡達酒。并外射比魯介賓四分釐至半釐。或用電震或推拿法。均可試用。

肝變油症。Amyloid Disease. (See Liver disease of, and Bright's Disease.)

見後。

血薄 或名失血又名失力黃 Anæmia.

此症實病狀。非病原也。故治法宜審其因何病根。然後照症治之。如內腎症、花柳、白帶、鉛毒、痔瘡、瘧疾、吐血、肺癆、胃炎等症。均能變成血薄之症。如諸病不去。病自難愈。醫者見此症。先宜審其何部失血。或何部使血變薄。依各部治之爲要。此症分緩速兩候。速者數旬便成不治。服藥無濟。宜借血法。^另_{此器}先將血過旺之人。由脈管放血。納入此器。將血絲取出。其餘血液射入病人之脈管。此法較服藥更速而妥。^{放血與射血均須依迴脈管之逆道}但未放之前。宜先將各器浸入鑄綠水。^{所以浸鑄綠水者不使血結否則恐小塊}大約每次可射五至二十兩。如無血可借。或射鑄綠水。^{二十兩}一二十至三十兩亦可。或用

鮮牛血。先將血絲取出。每早晚射入肛門。約五兩一次。

如肛門失閉洩出者
宜先合鷄片酒同射

血薄速病之法。其症之緩者。宜補血爲君。但先宜利其大便。後畧服開

胃之劑。○一方鰯炭養四錢。奇拉大酒一兩。龍胆草湯加至十兩。每服

一大匙。○又方淡輕綠淡酸一兩。金鷄那霜四分半。橘皮酒一兩。水到

十四兩。相合。每服一錢。合水二兩同服。然後可以服鐵劑。亦有以鐵合

開胃劑同服者。○一方鐵綠酒五錢。金鷄那霜四分。甘油一兩。水加至

四兩。每服一錢。化水服。大抵服鐵劑宜在飯後。且愈化淡愈易吸入。○

一方鷄那鐵片錢半。馬前酒二錢。甘油一兩。高林布湯加至八兩。每飯

後服一大匙。如血薄合腦筋病者。最效服呻嘶頓。或佛羅斯補藥。如

小兒宜服鐵燐養。如小兒有瘰癧體者。宜鐵碘糖露。如便閉者宜鐵亞

羅丸。如血薄無別病者。宜白老子鐵丸。最有功效也。○亦有鐵與鉛石

合服以治此症者。一方鐵綠酒五錢。鉛石水一錢。甘油一兩。水到四

兩。每服一錢。水沖淡服。如味劣不適口者。一方鐵輕淡檣鹽二錢。檣

檣酸三錢。水加至八兩。每用一匙。合一方用鰯炭養六錢。水八兩。一匙

相合作。沸時服之。○如血薄服鐵劑。胃無消化之功者。宜服鐵葡萄酒。

爲佳。如血薄兼發熱者。○一方鐵綠酒四錢。輕淡醋水三兩。哥羅方

水到十二兩。每日三四次。每次一匙。如服鐵劑有頭痛者。宜兼服利

便之劑。○一方鐵礦養五釐。鎂礦養半錢。水足用。作一次服。最妙合荷

蘭水同服。亦有至鐵水泉。飲其泉水。兼換水土吹風。海水沐浴。或服

燐劑。魚油。麥液醬等補劑。或全身常用推拿法。近來更有設新法。令吸

純養氣易得愈者。有一種名 *Pernicious Anæmia*。重血薄症。鉛石一

劑。最不可少。大約每服三滴。漸加足至每服十五滴。日服三次。如服鉛

石不效。宜服燐劑。每服三十二至十六分釐之一。并一切補身之食物。

或謂重血薄症。因養生路另有生虫之症。蟲也宜服比打納弗石。

Beta-n-phtho. 每服五釐。日三次。合膠水全服。又云此症宜食油醬等物。若含淡養氣等內食之物。則反有害於血也。

血囊 又名跳血囊 Aneurism.

形如血瘤。患在脈管之旁。醫者見此症。^一宜察其病在何處。^二大小如何。如病在四肢。可以外治。如病在肚腹。惟有內治。其法宜平臥三至六月。一刻不能起坐。并忌轉側。又須禁口不言。每日飲食宜乾濕。各十兩。不可過多。內服鉢碘一至三分。每日三次。或服銀綠五分釐之一。或服鐵劑亦可。惟毛地黃。草烏荳。大忌勿服。如是則血囊內之血。不至流行。日久自結爲定質也。其有用鐵酒。了葛射入。使血結凝者。亦有用電針。或鐵絲馬尾絲綫等刺入血囊。使血凝結者。均屬危險。有小血塊阻塞之害惟平臥之法。堪稱第一。○其病在四肢者。治法有五。^一在血囊上廻。用止血器。不使血暢行。^二以手擠癟血囊。後包布卷。^三用木墊包扎。^四在血囊兩端

縛緊。^五將血囊割出。

此症有一時暴痛不止者。服鴉片。嚙啡。印度麻。鉢碘。安的拜林等劑。自效。

吸核發炎 Angeiolcritis.

見後 See Lymphangitis. 吸核篇

真心痛症 Angina Pectoris.

此係真心痛症。治分二候。一痛時何法止之。^二未發如何預防。^{一大}約將痛未痛之前。其人預知病症將發。當時用淡養氣二三滴滴在布上。聞之。大約聞三四次。其痛自止。此外須解散衣襟。勿使呼吸阻碍。如輕淡香酒。白蘭地。甜消呻呻。均可用之。其中以大服甜消呻呻爲最宜。○又下身宜用熱水瓶引血。如欲嘔吐者。竟服鋸礬養三分。使其暢吐爲是。○一方淡養氣一錢。火酒一兩二錢。甘油加至四兩。每服半匙用

開水送服。日服三次。如不聞淡養氣。可以此方內服。

二 痘後宜補養全身。如心經有病者。宜預治之。○又有因心經腦筋病而痛者。宜服鉢碘分半。每日三次。更有因食物不化而痛者。宜治其胃。最宜每服鉢石水五滴。每日三次。久服必效。或燐丸每三十二分釐之一亦可。亦有一月服鉢石。一月服燐丸。輪流服之者。○或謂以哥根三分釐之一內服。日三四次。或謂淡酸甘油百分釐之一。或謂淡養鱉一分釐均有效驗。其餘如綠養冰、咿呵、哥羅方等。均經試驗。概無大效。其中以綠養冰與心經爲最有關碍。能使心門無力。醫者慎之。○如遇症無淡養氣一藥。可用冷水澆頭。另以松節油或芥辣膏擦貼胸膛。○如血液有毒而發痛者。最宜金鷄那或電震。一在頭頸。一在尾閨骨。其餘如烟葉、了刀邊、蘋茄、鬧羊花、淡芭菰。均可服之。

肛裂 *Anus, Fissure of.*

久病者宜用刀割治。但未割先宜通利大便。次將肛門洗淨。然後割之。亦有用火刀割治者。其通大便。可服硫磺或芷麻油。或大服橄欖油。均可隨意用之。

初起新病。一用銀淡養水擦之。借用後過痛。概不多用。二 錦綠水一化至八。亦因過痛。不多用之。^三濃加波匿酸或淡酸內擦。其中以加波匿酸爲佳。其用法。先洗淨肛門。繼擦哥根水。然後擦加波匿酸。終則用嚙啡尖丸。納入肛門可也。○如裂處不大。可用蘋茄膏一錢。安息香猪油一兩。搽入肛門。或用沒石子鴉片油藥亦效。○又方。哥根一分二釐。化水一錢。闡納林一兩。調勻內搽。○又方。加美拉膏一錢。*Ext. Krameria*。甘油三錢。闡納林一兩。調勻內搽。○又方。鉢炭養一兩。合甘油足用成膏。再加炭匿酸甘油二兩。哥羅方一錢。相合內搽。○又方。埃阿達方一錢。佛士林一兩。相合內搽。○又方。埃阿達方一錢。佛士林一兩。相合內搽。

○又方。銀灰散三分。安息香。豬油一兩。調合擦之。均可。○偉倫氏曾用以上諸方均無大效。偉倫氏自擬一方。艾青流膏二兩。納磁罐煎至錢餘爲度。後加闡納林調勻至一兩。再加鐵礦養一分。調勻擦之。極效。此方凡肛裂、痔症、肛爛、肛門諸症。用之均效。偉倫氏又方。用哥根三分。硼酸錢半。闡納林二兩。相合擦之亦效。

肛門成管 又名穿腸痔 又名海底漏 俗名偷風老鼠 *Anus. Fistula of.* 如內通直腸。外通皮膚者。服藥無濟。須用刀割。如外通皮膚。而內不與直腸穿通者。只用引炎之劑。最宜加波匿酸。錠綠等品。或射入或搽之。惟忌用銀淡養。或搽入安息香雜酒。或以火刀割之。均效。割法先用亢針通入。再用一指探入肛門。務使探針由肛門相通處通出。用刀割通。○如管過深。宜用鈍頭剪刀。一半挿入肛門。一半挿入管內。剪通。割通後。以藥布浸安息雜酒。塞滿刀口。漸漸生合。如內管不易探得者。宜

用刀依循管路。漸漸割入可也。割後宜三四日不可大便。所用之藥。如安息香雜酒。或硼酸油藥。或埃阿達方油藥均有效驗。

肛門癢 *Anus. Pruritus of.*

此症發作。奇癢無比。病者甚屬不安。醫者宜審其病由。或因有虫。或肛裂。或肛爛。或痔瘡等。照症治之。間有爲身弱腦筋之病而癢者。宜補身開胃。助其消化。內服鉛石、金雞那、燐等補劑。以及沙利沙酸、安的拜林、或安的非白林 *Antifebrine.* 可也。○其外搽之藥。如艾青油膏。或哥根均可。○一方鷄阿蘇一錢。加波匿酸亦可代用樟腦一錢。豬油二兩。合勻擦之。有時用鉻炭養散吹入。或用藥水射洗亦可。○一方。硼酸甘油一兩。薄荷水二十兩。射洗。○又方綠養冰二錢。玫瑰水十兩。相合射洗。○又方鏗養粉四錢。甘油一兩。水到十兩。相合射洗。切忌抓擦。更有用電震。或臨睡時用冷水三五兩。射入肛內而取效者。

肛門內合 Anus, Imperforate.

此症概由胎成。肛門未備之故。或無肛門。或無直腸。或第因脂膜遮瞞不通者。均宜由中處用刀。漸漸割進。至見渣滓爲度。後以內外皮用線縫合。如不能割至大腸者。因無直腸之故。宜在腰部。開假肛門。詳後

噤口風 附言語滯澁 Aphasia.

多因中風。或偏癱之後所致。治宜去其病由。最宜靜養。勿勞身心。飲食清淡。切忌油膩。常利大便。如癱瘓等症已愈。而言語滯澁者。宜病者自己勉強學話。久久自能言語如常。

失音 Aphonia.

此症多因聲管爛。或生癰或生瘤或腦筋病所致。即孤聾音合等症。概難醫治。惟因腦筋病所累者。宜以電震。一內一外。或均在外面。一左一右震之。亦可。或謂醉以酒。或大服了刀邊蘋茄。自能言語。或以濃銀淡養水。水一兩化或

鐵雙綠水 二錢化水一兩 刷喉均妙。其餘因爛因癰。詳後各篇。

口瘡 又名口內生白點 Aphthæ or Aphthous Stomatitis.

多在小兒。哺乳不潔。以致口內生瘡。形如白點。治法。最宜清潔。並以甘油硼砂。或硼酸蜜。以筆刷之極效。或以糖合硼酸粉擦之。或以銖綠水五十漱口。均效。如爛處變大。宜以銀淡養。或銅礦養。白礬化水外搽。再不愈者。宜易乳母。并易向來之食物。間有用銀灰散。每夜一釐隔日服之。頗效。如小兒形容困倦者。宜少投白蘭地酒。如泄瀉者。宜服鷄那鐵酒。并以硼酸合乳飲之。

中風 Apoplexy.

本腦部血管破裂血溢之故。是以病之來也猝然。中醫謂中於風。故名中風。治法。猝然病發。顛仆者。切勿動之。聽其靜臥。最忌嘈雜喧囂。並將衣服輕輕解去。另使一人扶定其頭。勿使動搖。臥時頭宜畧高。側睡。極

忌仰臥。以防舌縮。○內服之藥亟宜大瀉。○一方。加路迷五釐。合巴荳油一滴。作一次服。一切熱劑提神等品。以及飲食茶湯不得妄投。又病發不可立時服藥。恐溢入氣管。閉塞而死。如頭項血管脹大跳動者。宜在肘部放血。頭上壓以冷水。頸部貼芥辣蜜蠻等膏。切勿叫喚。強其言語。聽其靜臥爲要。如口部乾燥者。宜以甘油硼酸搽之。或以水洗之。如時久不醒。不能飲食。宜以牛乳鷄蛋。射入直腸。前醫常投以飲劑。意謂歛其血管。奈無實濟耳。如病後見其將有再發之兆。如頭痛頭暈
欲睡等狀當時宜吮血。并服大瀉之劑。防其再發爲要。○如病已醒。切勿與其言語。如面赤者。常以冰塊壓其腦部。并服表劑。莫妙以草烏豆合鋸溴同服。如久後面不赤者。不必冷治。宜服鋸碘、鋸溴、鉛石等劑。改其積血可也。○如病人有花柳之質者。宜常在太陽穴搽汞油。并大服鋸碘等品。

蛔虫 *Ascaris Lumbricoides.*

治法服山道尼爲第一妙藥。別藥可不必服。大約三歲之小兒。宜服二厘。合草蘇油同服。成人可服五厘。如服後七八點鐘不瀉者。宜服鹽類瀉劑。或瀉葉。如小兒不肯服藥。可以山道年合加路米二三厘。和於飯食服之。亦有先服輕瀉之劑。後服山道年。後再服瀉劑。則虫無有不下者。○大抵服山道年之後。見物黃色。小便黃赤。而無所緊要。○或謂連服山道年四五日。後服瀉劑。虫必盡下。此外如硫磺。使比葛利亞 *Spiraea*。松節油。鳳尾草 *Male Fern.*。均可服之。但不及山道年之靈驗也。銘按
小兒

身熱服山道年每起腦部炎症者又宜通腦

線虫 即小蛔虫 *Ascaris Mystax.*

治法與蛔虫同。

臌脹 *Ascites.*

臌脹不一。有因心經、腎經、肝經、脾經各部之病所致者。均照症施治。一

如有癰瘤。Malignant Tumours。阻碍四合總廻管。致起腹脹者。則無法可施。惟有內服癰瘤諸藥。^二如肝縮 Cirrhosis。因酒過度與花柳所致者。宜忌飲食。服鹽類瀉劑。後服輕綠淡酸與銳鉗等。或可告愈。^三如肝經患花柳毒瘤。致腹脹者。宜先服汞劑。後服銳碘。^四如肝癰以致腹脹者。不治。惟有放水一法。所謂急則治其標也。^五肝與腹部總廻血管有癰瘤阻塞。以致腹脹者。亦不治。惟有放水一法。^六如腎舊炎致此者。宜瀉劑利小便劑。蒸氣引汗等法。餘詳後內腎舊炎症。^七如腹統膜炎。因花柳或腸廻爛致腹脹者。宜放水治其病由。^八如心經之病。以致腹脹者。宜毛地黃。使得羅返得斯。與金雀花。以及瀉劑利小便劑。^九如因肺病以致腹脹者。因血不行所致。大約肺胞先積水。宜先放肺積之水爲要。

以上依各症病原服藥。仍不見效者。另有六法。^一在腫脹處貼弔膏。并搽引炎之劑。或以肥皂雜搽藥。合銳鉗搽藥。搽在肚腹。能使血管有力。

將水吸去。^二宜瀉。莫妙鹽類瀉劑。或依禮爹、渣笠、巴豆等品。^三利小便。宜推毛地黃爲第一。次則哥拜巴、金雀花、汞丸、加路迷等。^四宜表。莫妙蒸氣引汗法。大約半點鐘汗注如雨。或服銳醋鐵醋等品。^五宜散。如銳碘最效能提神吸核。使水吸去。^六宜放水。放水之法。有用之得愈者。如肝縮等症。放之或可望愈。有放之無濟於事者。如癰瘤等累症。放如不放。放大約放後。病人便能睡臥。行動飲食。故於病體甚合。勿謂霸功拘疑。不放耳。○放法宜先用通管將溺放盡。恐刺時有碍膀胱。後用闊布卷一條。在小腹繞後一周。病人兩旁各立一人。在右者執左繞之布卷。在左者執右繞之布卷。用放針在布上。適臍與交骨頂之正中。刺入。待放將盡。將刺針取出。隨貼膏藥。或搽哥老典恩。或布卷包緊。如病人憊倦已極。宜睡在床上放之。偉倫氏常以小套針。gonthex[®]。接以長細皮管。睡在床上刺放。可免一時暈厥之險。亦有腹中之血管一時破裂者并無腹統膜發炎等害。放

畢。肚腹宜包布卷。且每日宜服鉍碘與瀉劑。并將布卷時時收緊爲要。

目倦 又名眼勞 *Asthenopia*.

此症爲過用目力之故。宜閉目靜養。如爲體弱者。宜補。有時宜帶近視眼鏡。如有腦筋病者。宜帶養目鏡。藍色灰
色均可并內服馬前精、鐵、雞那、伊斯頓補劑。

明衣凹凸 又名目力不聚 *Astigmatism*.

爲明衣四面。有一處凹凸不平之故。無治法。宜帶此症特製之眼鏡。

哮喘 又名痰哮 *Asthma*.

治法。一宜預防不使重發。二已發者宜如何取治。

一如爲事業。或居處或天時寒熱有關于病體不合者。預宜改避。有在城中
間必
發病至鄉此症飲食宜蔬菜。忌油膩酒肉。勿多飲流質。且食物須當按時。大便宜常通利。如氣管發炎者。宜服化痰之劑。如有腎舊炎症。嘟吡咖叻。酒

風、皮膚病症。血液不淨等症。兼而患之者。宜先治各症爲要。亦有患鼻癰。致有哮喘之症者。宜先治鼻癰。

二如病已發。其內服之藥不一。一吸食藥氣。如鉍淡養紙。一兩化水十兩或臭養氣紙。 *Huggin's Ozone Paper.* 即上文鉍淡養水一化
十另加銀碘與銀綠二養金花或代煙吸或內服。

○作煙法。用葉研成細粉二兩。八角一兩。鉍淡養一兩。相合燒氣嗅之。亦有另加鉀石。或茶葉或菸葉者。或用養金花、蘋茄葉。浸鉍淡養水。晒乾。代菸吸之。頗效。○另有一藥名 *Datura Tatula*. 可代養金花。用法相同。而功效更偉。如以此捲成紙煙。內合三分厘之一鉀鉍養 *Arsenic of Po ass.* 其效更速。三淡巴菰。有用之效者。有不效者。用法以養金花葉浸入此酒。晒乾代煙吸。四鴉片。有時極有功效。如病重喘急不能飲食。服藥者。此時宜以丁刀邊水二滴。嚥啡半厘。相合。射入皮膚效。或云哥根水噴射五厘化水八滴喉內。或搽鼻孔內皮。如不效。則用皮膚針射入。五淡養氣 *Amyl*

Nitr. 極重時可以五滴滴在手巾聞之。^六聞哥羅方。但不多用。^七埃達伊發。Iodide of Ethyl. 以哥羅方十滴。埃達伊發五滴。相合聞之妙。^八用叱哩咯酒噴吸。善治此症。兼有氣管炎者。或吸熱汽壺。宜合郁加利達油。嚦叻呼。薄荷冰。幾阿蘇等品同吸。⁺綠養冰。在病初發。宜服三分。睡時服之。不使重發。偉倫氏常以養金花。蘋茄。鬧羊花。或酒或汁或膏。必合鍍碘同服。以治此症頗效。[○]一方鍍碘二錢。鉀石水一錢。叱哩咯酒四錢。鬧羊花汁四錢。哥羅方水加至八兩。每日三次。每飯後一匙。[○]亦有專服鍍碘以取愈者。未發時每日服三四次。每次二三厘。至將發時。每次可服五至八厘。每四點鐘一服。[○]亦有以蘋茄膏。養金花膏各六分厘之一。與鍍碘合服。[○]偉倫氏謂淡巴菰。功使心門無力。故平生不用之。惟鉀石合藥烟同服。爲最有效。其餘如鍍淡養。鍍淡養。Nitrites of Soda and Potass. 甘油淡酸。阿伯嚙啡。安的拜林。_{逐日服三分後}以及茄非精。或白

礬。_{每服半分}綠養冰。其拉撒米姆。Gelsemin. 鬪羊花精。嚙啡實養氣。Oxygen or Compressed Air. 印度蘇。比魯介賓。馬前精。金雞那。鍍溴。菸葉。以及阿魏等。安腦筋諸藥。有用之而見效者。有不效者。概不多用耳。

四肢發顫 Athetosis.

此乃腦筋扭擗之病。治法宜用電震。一在脊背。一在四肢。內服最宜鉀石并平腦之劑。如一謙落。^二嚙啡。^三印度蘇。外如鍍溴。鍍溴。亦頗有效。[○]一方鍍溴十錢。鉀石水一錢。謙落汁一兩。樟腦水至十兩。每日三次。每次一大匙效。

包皮發炎 Balanitis. 又名莖頭炎

此症爲包皮太長。內積污穢所致。治宜洗淨。後洒漿粉。硼酸爐。甘石自愈。如愈後頻發不止者。宜將多皮割去。[○]如變成舊炎。以致潰爛者。宜先用銀淡養。淡酸加波匿酸等劑擦之。後以絨布襯入。不使包皮與龜。

頭相貼。如皮已收緊。不能翻出者。宜以銚鑄養水或汞雙綠水。^{一至二}或銀淡養水。^{一百}或黃水等。用水節射入包頭可也。如先有白濁致患此症。宜用銚鑄養水。^{一至二}兩射入溺管與包頭。如此症刺痛者。以鉛醋與鴉片等水洗之。或以絨布浸藥貼之。亦有以石灰水合銚鑄養。^{一百}或硼酸水。^{五十}花或加波匿酸油。^{十五}洗之者。後以銚養油硼酸油等品。均可搽之。如包皮口窄。不能翻出者。宜用鉗張而大之。

禿髮 Baldness.

有遺體自禿者。有因病而脫者。如油管閉。俗名油風或鬼剃頭 Seborrhœa. 油多之故。并

髮癬 Pityriasis. 等所致。治法。宜電震。西國製有雷氣筆鉗 或常薙之。或常洗之。或用

引炎提神髮根之藥。○一方。蜜蠟酒一兩。迷迭香油二錢。樟腦酒一兩。草蘇油六兩。相合搽之。偉倫氏方。迷迭香油四錢。蜜蠟搽藥一錢。甜杏仁油二兩。樟腦酒二兩。硼酸甘油一兩。玫瑰精八滴。查潘闡達酒一兩。

相合。每早晚搽擦髮根。最效。○又方。肉果油一分。橄欖油三分。相合搽之。亦效。近來更有以煤油搽之取愈者。 Olei Petrolei (Snowflake.) 其油藥各方。

一輕綠比魯介賓二分。汽水二錢化合。後加爛納林十錢。煤油六錢。彼兒格油 Oil Bergamot. 半錢。佛兒比納油 Oil Verbenæ. 半錢。相合搽之。至於內服之藥。以鉢石爲最。○又方。甜杏仁油二兩。淡輕淡水二兩。蜜蠟酒一兩。迷迭香酒一兩。相合搽之。○又方。芥辣油二錢。煤油一兩。橄欖油九兩。相合搽之。○如因花柳脫髮者。宜輕淡汞二錢。牛髓油四兩。相合搽之。○有一時脫成圓塊者。俗名鬼剃頭。其實有虫之故。宜哥核油。或汞雙綠油。^{二花}或加波匿酸油。或碘磺油。或磺養酸。或蜜蠟水。均可試用。如用以上諸藥有不愈者。宜肉食厚味。小兒患此者。宜鐵碘。并一切補腦之劑。如燐鉢石、馬前冰、比魯介賓、魚肝油等是也。

癰瘡久臥成瘡 Bed Sores.

此因久病不動。使該處變爲死肉所致。如癰風與熱症。久臥不動。不免有之。大約在尾閣骨與大腿大凸處患之。治法宜用配兒斯皂。Pear's Soap 洗之極淨。後以火酒擦之。汞雙綠牛錢化酒二十兩後以傅羅石散。或鋸養粉。爐甘石粉洒之。患處須用氣墊。如皮膚乾燥則以闌納林油擦之。如皮已紅赤將破者宜。哥老典恩擦之。已破者宜以肥皂膏藥貼之。或樟腦半錢合鋸養油一兩外擦。如已爛變爲死肉者。宜敷麥皮或芝蔴粉。但勿過熱。包後以加波匿酸水四十至一百或白礬水一百至五百汞雙綠水二百硼酸水足鋸綠水一百等洗之。後洒硼酸粉。再包至死肉脫落爲度。如死肉已脫者。照爛瘻治。

有時用藥水以致旁邊發小疹者。宜擦油藥。○一方。爐甘石鋸養粉。埃阿達方硼酸加波匿酸沙利沙酸相合爲油擦之。或合粉撲之。○鮑氏銀線一條。約長八寸。盡處接以鋸片。鋸片下面墊鹿皮一層。貼在相近好肉之上。其鹿皮常加濃醋數滴。能發電氣引至爛處。提神血管。易於生肌收口。又爛處切宜用墊墊鬆。易於行血。如仍照常着床睡臥。則血脉閉塞。決無收工之日矣。

膀胱新炎 Bladder, acute Inflammation of.

治法。依病由施治。如爲白濁上炎所累者。宜平臥并熱水沐浴。百零五度肛門納入嚙啡。半厘或蘋茄膏。半厘尖丸。忌提神茶酒等物。飲食宜潤。如牛乳麥汁米湯。并蛤蜊水。小肚宜壓芝麻熱劑。內服鬧羊花酒二十滴。合鴉片酒十五滴。每日三四次。或飲芝蔴湯。少加鋸輕養水。十三滴當初炎時忌內射鋸錳等藥。至炎勢少退。則以溫水合鋸錳養水射洗可也。如爲酒風。則忌肉食。內服果子鹽類瀉劑。并服喝咬噤與鋸炭養大服。○如因藥

物等類所致者。蟹蠻等品見症立止勿用。當以芝蔴壓藥。并內服開羊花酒二十滴。肛門射入鴉片酒四十滴。并坐熱水盆。自可立愈。○如爲石淋所累者。見症施治。并止其痛。但必須將石淋割出方愈。

膀胱舊炎 Bladder. Chronic Inflammation of.

其病故。一膀胱無力便溺不盡所致。二因石淋。三膀胱生瘤。四溺管變窄。五膀胱蒂核變大。六膀胱腦筋癱。七婦女因子宮子核之病。八因酒風。○治法。宜去其病由。如病急治標之法。先宜每日數次。用通管放溺。後則數日一放。亦有經年常用者。如癰等症如病者自放。須用象皮軟管爲妥。放時通管宜擦硼酸甘油爲佳。若用佛士林橄欖油等。通管常有變硬之弊。用畢必洗之極淨。不使少有污穢帶入膀胱爲要。亦有以玻璃漏斗接在通管。用溫水或硼酸一二錢化水十兩。或硼酸甘油一兩化水十兩。或加波匿酸一錢化水十兩。或淡酸化水。畧有酸味爲度。切勿過多或

鷄那霜分半。淡淡酸二十滴。化水十兩。或銀淡養三厘化水十兩。或銅礦養半分化水十兩。或鋰礦養半分化水十兩。或鍊錫養三厘化水十兩。或立坐新一錢化水十兩。或綠養冰一分化水十兩。或溫熱草麻油十兩。或克羅林一錢化水十兩。等品。或用無病者新出之溺十兩。均可。用以射洗膀胱。每次約射八十兩。不可過多。○內服之藥。首推硼酸。每服分半。每日三次。服後不使小便腐臭。亦有第服硼酸。不必射洗膀胱者。但初服約分半。久服每次半分足矣。又當用多水約半兩化服。恐有嘔惡之患。又須兼服蛤蜊水與牛乳等類。○其餘如布故湯。每服三至五兩。日三四次。但服此藥。二三日不效者。宜止勿服。○或用麥斛鮮根。Trichium Kepens. 四兩。泡水四十兩。須在二十四點鐘內服盡。○亦有用 Uva-ursi. 或拜力利亞泡水。Pareira Brava Decoction. 每三四點鐘服一

大匙。○或此三者每服，均可合硼酸半分同服。另服鋸炭養鋸輕養。或以鋸輕養合鬧羊花酒同服均效。或合安息酸每服一二分能解溺變臭。此外如加波匿酸磺酸輕綠酸等，概不多用。如此症疼痛最效，莫如鬧羊花，兼以嚙啡蘋茄膏等尖丸，納入肛門。其飲食一如新炎症，并起居身容均宜小心爲要。外如蜜蠻酒、松節油、郁加利達油、檀香油、哥拜巴、華澄茄等，其性提神過烈，概不用之。

膀胱癱 又名癃閉 Bladder Atomy or Atrophy of

或因腦筋癱，或溺積過滿而癱。治與膀胱舊炎同。如溺管窄而不通，宜割之。如因淋瘤膀胱蒂核變大等，宜照症施治。其內服之藥，莫妙伊斯頓方，加減可也。如溺積而滿，宜放之。

爛眼弦 Blepharitis or Tinea Tarsi.

治法。一、宜去所結癰癥。法以蛤蜊水洗之。鑄雙炭養二錢
化水二十兩 每半點鐘一洗。宜緩緩洗之。洗畢以布揩乾。○一方，黃汞養一分，佛士林一兩，調勻搽之。每日搽二次，約數旬後可以告愈。倘一月仍未愈者，宜先搽銀淡養水。化水一錢 一後仍搽黃汞養油。或將睫毛拔去，并宜補益。飲食宜佳。因患此症者
身體多弱 或出門遊行。改換水土爲要。

疔瘡 Boils.

此症凡起居飲食身容，均宜小心。忌一切提神酒肉等物。惟多食葱頭。
熟煮 不第能治之，久食能使不發。或石礦養十分釐之一，預服無再發之患。或飲硫磺泉與酵水。每日三次，每次一小杯，食前服之。或謂以生麪粉一匙，水調服，能使不發疔瘡。或大服雞那鐵酒，均效。亦有初發時，以刮刀在頂上微微括之，至畧見血質爲度。并將疔中細毛拔去。後以汞淡養酸水、哥老典恩，或銀淡養水。水一錢化一兩 搽之。能不使成毒。再以蘋茄膏合甘油搽之。或貼蘋茄鴉片膏藥。或楓脂香鴉片膏藥。中間須翦成一小孔，以露疔頂。如極痛

者。宜先在疔項敷硼酸油。後用芝蔴壓劑。宜愈乾愈佳。不使旁邊發患小疹。包時勿用油紙爲要。有時以膏藥翦成細條。相交貼之。謂能止痛。但無實效。○如忽然身熱便閉周身不舒。病重者。宜開刀。可以哥根或加波匿酸外搽止痛。刀後洗淨。壓芝蔴粉。并油藥等乾潤之品。忌用水藥洗之。亦有用加波匿酸射入疔內。不必用刀硫磺泉水鑄燒等均可。○如耳中患小疔。病症多重而痛極難施治。有柯氏用礬醋水水四化洗之。偉倫氏每以汞雙綠水滴入耳內。再用棉花塞入。能不使再發。或以硼酸粉吹入。或以濃火酒滴入均可。

內腎新炎 Bright's Disease, Acute.

醫者知係此症。衣被均宜改用絨類。所以避風汗也。飲食惟獨牛乳爲要。餘食均忌。如新症炎狀已退。可食藕粉米湯等滋潤之物。此症所要者。惟大便小便與汗。醫者最宜留意。須防溺毒入血。一汗法。身不發熱者。用輕淡

醋水。每服一錢。加二十滴甜酒。伊打合服。身熱者。加草烏豆酒二滴。每二點鐘一服。○一方草烏豆酒十六滴。鈸檳鹽四錢。輕淡醋水二兩。樟腦水到八兩。每一點鐘服一大匙。病症沉重者。此方無效。宜蒸氣引汗。或熱水沐浴。或以百零四度熱水浸之。或先浸百度熱水。後漸加至百分六度。約浸一刻至一點鐘後。再以被單浸熱水。包裹全身。自能發汗。○偉倫氏引汗之法。以二三兩芥辣粉。泡熱水一大桶。浸以絨氈。擠乾。包裹全身。立能發汗。此法決無作痛或全身發泡之患。能愈熱愈佳。約二點鐘後。方可解去。靜臥並投以麥湯。此法較蒸氣引汗法。約半點鐘之久。更爲得力。或以十二隻熱水瓶。套以絨襯。六瓶置在身右。六瓶置在身左。亦簡便引汗之法。以上一切汗法。如病重或臌脹者。可每日用一次。不效者。仍用上文諸汗法外。兼內服比魯介賓。大約八分釐之一。至半釐。中數四分釐之一。或射入皮膚。或內服。惟內服必合輕淡香酒同服。以免心經無力之患。二利小便法。須飲

麥子與芝蔴湯。宜多而熱。功能滋潤并提神。溺路之內皮。無論多少。隨時飲之可也。外如甜消呻呻。銳醋亦可服之。惟海葱、金雀花、側柏。此三者嫌其太能提神。不多用之。又毛地黃、茄菲精。新炎已退用之此症最合。均可內服。如脈象洪大而實。血管滿心跳者宜淡酸甘油水。淡者每一點鐘服六分滴之一。三下法。宜依禮爹。有病時服此全無功力者查笠。爲最佳。○一方。鎂礦養二兩。鎂炭養一錢。薄荷水至十二兩。每二點鐘服一小匙。但忌服加路迷。因其性力。與內腎之功用相反。有時腰痛者。宜壓熱劑。或蜞吮。或放血。如病重者。須預防溺毒入血。此時宜在肘部放血。約十兩可也。○如新炎已退。腰部宜用芥辣粉引炎。忌用蜜如此時有腫脹。可服毛地黃、金雀花、側柏等劑。或一方。鐵綠酒六錢。輕淡醋水三兩。哥羅方水到六兩。又此症忌服銳之鹽類。宜服鈎之鹽類爲妙。

內腎舊炎症 Bright's Disease, Chronic.

舊炎由新炎漸退而成。或久病而成。治法。飲食惟牛乳爲最佳。忌蛋與肉食。又炭輕類宜多食之。衣被均用絨氈。切勿過冷過熱。勿冷須常在通風處行走。并飲馬乳。見漏酒至於瀉表利小便等劑。宜慎用之。如病人可以行走。宜在晚上表之。或熱水沐浴。或蒸氣引汗均可。○如利小便。推毛地黃爲第一。或以毛地黃合鐵酒同服。或以毛地黃合茄菲精同服。惟印度蘇酒、哥拜巴、松節油、華澄茄、蟹螯酒等品。性太提神。勿用爲要。又如查潘蘭達、淡酸甘油、側柏等。服之有效者。有不效者。亦有以安息鑑。每服分半。日四次而見效者。至於瀉劑。與新炎症同。鎂礦養二兩 鎂炭養一錢 薄荷水十二兩 相合

又如銳葡萄酸。功兼瀉利。最宜服之。亦有推拿腰部而見效者。均可施用耳。至於治溺中蛋白之藥。不一而足。如鉛醋。服灰水、蘋茄、富新。 Fuchs又如查潘蘭達、淡酸甘油、側柏等。服之有效者。有不效者。亦有以安息鑑。每服分半。日四次而見效者。此藥小兒宜之。每服一錢成丸服

用鉢碘頗有效驗。

如以上各法無效。漸形臟脹者。宜先以硼酸油。擦在該處。後以長細皮條刺針放水可也。或謂臟脹沉重。可以鎂礦養二兩。水二兩。每晚臨睡時服之。大有瀉水之功。○如有抽搐。漏毒入血之時宜鏽溴三分。或六分。合綠養冰三分。化水射入肛門。另以比魯介賓半釐。射入皮膚。并坐熱水盆。與熱水被單引汗法。或聞以哥羅方。大有效驗。○如肺胞心胞積水者。宜刺放。如肺體積水者。宜在胸膛貼芥辣膏。切忌用比魯介賓射入皮膚如嘔吐者。宜銥淡養或銥炭養。或香餅酒冷服。或淡牛乳。均可。○如泄瀉者。是病將愈之兆。不必治之。○如血薄。宜鐵劑。溺有血者。宜射了葛精。○如氣逆者。漏毒入血宜用伊打淡養氣。淡酸甘油。或服瀉劑。○如不睡者。宜撒弗那兒。 Sulpho-nal. 一二三分。或撥拉兒海達 Paraldehyde. 一二三錢。但切忌鴉片。綠養冰。○如頭痛者。宜茄菲精。安的拜林 Antipyrine. 又有別種內腎之舊炎症。如肺勞。骨爛。花柳。酒風等。累及內腎者。亦有內腎變大變小變蠶者不一而足均照症施治。

汗臭 即狐腋臭 或脚汗 Bromidrosis.

治法。常宜洗淨爲要。又須培補身體亦有內服用蘋茄酒一兩。了葛流膏二兩。鬧羊花酒一兩。相合每服工十五滴。日服三次。但無實效。亦有試服礦粉二分。合硼酸二分。每早晚一次。久服而見效者。但不若以硼酸粉重擦之。或洒在該處包緊爲妙。或將衣服浸極濃硼酸水。曬乾衣之者。亦有先以熱水頻洗。後以火酒擦之。後用一方。滑石粉十錢。銥淡養十一錢。銥錳養三錢。鏽沙利沙半錢。相合成粉擦之。治腳氣最效亦有以蘋茄酒。或搽藥。代水洗之者。○希氏方。以橄欖油八兩。合鉛養二兩。熬煎爲油。搽之。此外或電震。或金雞那一錢。化水十兩。或淡汞綠水。鏽沙利沙水。草酸水。納弗石林水。甘油硼酸水等品。均可洗之。○猶納氏方。用鋸養油。松節油。偈克坐兒 Ichthyol. 各一分相合。每晚搽之。日中則以芥辣粉分

牛漿粉一兩。相合擦之。頗效。如脚趾縫中潰裂者。宜以鎔養酸水。半至一釐化水百分德國兵士常以此水搽抹脚底。使之堅硬不覺奔走之苦也。再無溼爛浸淫之患矣。

氣管積痰 又名痰咳 Bronchiectasis.

此症因氣管有痰內積。沈在肺底。咳出氣臭。治法。衣食宜佳。牛汁魚油。麥液漿燐劑等。宜常服之。并改換水土。常服鍊碘。或幾阿蘇。每服二三滴。日三四次。或檀香油。郁加利達油。加波匿酸。得力平。柏油。撥拉兒海達等。均可服之。或服新藥名末耳多。Mytol。每服二滴亦可。此外如用吸氣之藥。則莫妙幾阿蘇。次則綠碘。薄荷冰。郁加利達油。加波匿酸。得力平。薄荷油等。亦可試用。或以一方。加波匿酸三兩。郁加利達油三兩。山尼得油三兩。松樹油一兩。檸檬油四錢。拉文大油二錢。相合。用酒燈燃之。聞其氣可也。如一時痰多。連咳致厥者。宜聞哥羅方。伊打。或使病人。欠身俯首。則痰易出也。

氣管新炎 又名傷風咳嗽 Bronchitis, Acute.

此症初起。如能靜養。本易告愈。如病人仍行操作。所投之藥。宜忌表劑。

恐表開當風
病更加重耳

如初起病輕。臨睡時宜熱水沐浴。胸膛貼芥辣膏。并服嚙啡四分釐之一。過夜自愈。次日則服嚙啡水五滴。合吃暉略葡萄酒一分亦可。

○如病重身熱。乾咳。胸膛不舒者。切宜靜臥。

臥房天氣宜
六十度熱

房中天氣宜潤。用噴氣壺

飲熱茶湯。如茶葉與
鐵櫻鹽等

○一方。鍊炭養一兩。草烏豆酒二十滴。水十二兩。每服

大匙。合檸檬糖露或汁。對半。每一刻服一次。醫者宜知此時。氣管形狀

腫脹而炎。故宜投以表劑。○一方。鍊錦葡一釐。輕淡醋水二錢。吃暉略

葡萄酒二錢。樟腦水加至六兩。每日四次。每次一大匙。此藥善能發表。引

炎去邪。導痰。能使氣管炎退。化爲痰液咳出。功效最靈。其胸膛外面。宜

用芝麻。或芥辣壓藥。前後均可用之○如小兒患此。均照以上之方。惟鴉片與嚙

啡。宜減勿用。如兩歲之小兒患此者。○一方。鍊錦萄酒一錢。吃暉略葡

酒二錢。輕淡醋水四錢。刀魯糖露四錢。水到二兩。每兩點鐘服一錢。服藥時。兼以熱水沐浴。或兼服瀉劑。如小兒宜服銀灰散一二釐。成人宜服汞闌丸半分。或鹽水泉。Friedrichshall Water。如病狀畧退。已有痰出。當時須減去鍊錦葡。切勿再服。另服 一方。鍊碘一錢。吃哩咯葡酒三錢。哥羅方酒三錢。辛衣格泡水至四兩。每服一錢。○又方。輕淡炭養一錢。輕淡香酒四錢。哥羅方水至六兩。每日三四次。每服一大匙。此二方極有功效。○如病炎已退。痰已滲溢在氣管。此時如服嚙啡。或能治標
非治本也 又年幼年邁者。嚙啡亦宜慎用。能不用則更妥。○或以安息香酒、蘋茄酒各用二錢。蒸氣吸之。或以謙落汁。蒸氣吸之。或服阿伯嚙啡至將吐爲度。○如氣逆重者宜吐之。○一方。吃哩咯葡酒二錢。阿伯嚙啡半釐。錦葡散一釐。合服。功能取吐。或以阿伯嚙啡十分釐之一。射入皮膚更速。○如小兒。第以吃哩咯葡酒取吐可也。○病重極形倦懶者。宜以葡萄酒。或火酒合極熱滋潤之食物同食。功能提補。○如兼有心症者。宜 一方。毛地黃酒二錢。輕淡香酒一兩。伊打酒四錢。哥羅方酒二錢。相合。每服小匙。合水少許同服。日三四次。或服松節油半錢。功能化痰提神。如服鍊錦後
困倦者宜之 比魯介賓。亦可服之。但宜慎用。此外如白萊奈。Bryonia。山米斯血根。Sanguinaria。末司克林。Muscarine。等品。有用之者。但不見效。大抵新炎症。只恃鍊錦葡。吃哩咯葡酒。輕淡炭養海葱三者。合服。無有不可治之者。如痰已順氣已平者。宜 一方。吃哩咯葡酒四錢。海葱酒四錢。輕淡香酒六錢。刀魯糖露加至三兩。每日三四次。每次服一錢。化水服。○或阿伯嚙啡六分釐之一。○如痰已鬆。宜服鍊碘。或輕淡綠合辛衣格水亦效。○此症之飲食。最宜小心。宜牛乳。牛汁。忽斯克酒。佛倫典牛汁。麥湯。藕粉。雞湯等。均可食之。○如不睡者。宜撥拉兒海達一錢。或撒弗那兒半錢可也。○如小

兒患此致肺閉塞者。每見面腫。脣癟。氣逆。急以芥辣納熱水沐浴。并通肺氣法。又內服白蘭地酒。胸膛與脚貼芥辣膏。○亦有不用金雞那霜。以治此症者。因服金雞那霜。每致粘痰內積不出。宜服麝香。則無此患。

氣管舊炎久咳 Bronchitis, Chronic.

凡傷風以致氣管新炎。纏綿不愈。卽成此症。但宜審其病由。是否由事業。或天氣。或酒風。或心房有病所致者。均照病由治之。如第爲氣管之炎。而無別病兼累者。莫妙服鍊碘。鉛石。鐵酒。鍊碘之功最能化痰而鴉片嚙啡。宜慎用之。往往暴咳而痛。服嚙啡多有見效。但反有痰沫內積之害。醫者不可不知。○如乾咳暴咳不止。第有白沫無痰者。或可試用。神而明之。貴乎醫之變通也。○一方。鍊碘三分半。鍊炭養四錢。輕淡綠二錢。嚙啡水一錢。哥羅方水到八兩。每服一匙日三次。此方善治暴咳無痰。極有效。○又方。阿伯嚙啡二釐。哥第那 Codineæ 三錢。吃暉略葡萄酒六錢。甘油今

水到三兩。每服一錢。日四次。功用同上。○又蛤蜊鹽劑亦有化痰之功。如鍊炭養化以檸檬水。隨飲頗效。○如氣管積痰。多而臭者。忌用嚙啡。惟輕淡炭養。阿麼尼樹膠。阿魏。比魯刀魯。哥拜巴。幾阿蘇。圭阿隙。華澄。茄郁。加利達油。硫磺。葱頭。柏油。得力平。松節油。樟腦。檀香油。末耳多。○ Myrtol。或石油 Petroleum, or Rock Oil 等。均可取用。其中以柏油爲最佳。或成丸或化水一兩滴化服之。次則幾阿蘇。○如年老常年久咳不止者。宜阿麼尼樹膠極效。又方輕淡綠一兩。樟腦雜搽藥一兩。阿麼尼合藥水加到二十兩。每日三次。每次一匙。亦效。亦有用得力平。每服十滴而取效者。○如治小兒氣管舊炎症。最效之藥。卽吃暉略葡萄酒一分。海葱糖露一分。相合。每一二歲小兒。服一至分半。取吐者服一小匙。即一錢成人舊炎。以致氣珠變大。常發不休者。宜輕淡炭養八分。樟阿酒六錢。辛衣格酒四錢。辛衣格湯至八兩。此乃最通行之方。宜每服一大匙。日

三四次。又馬前冰亦有服之者。宜合蘋茄同服。因馬前冰乃提神氣管之內絲。善能引痰外出。服之最宜。○治新舊氣管炎症之藥。約百餘種。惟善治者。則數劑足矣。如阿伯嚙啡。輕淡。柏油。吃嘩。幾阿蘇。鈸碘。辛衣格等。而其中又推阿伯嚙啡。爲更合用。如舊炎症。痰極多。常咳者。最效之藥。卽阿麼尼樹膠。輕淡。與辛衣格。三劑合服可也。其聞吸之藥。莫妙如吃嘩。葡萄酒。用象皮球噴吸。或輕淡綠合煙。或郁加利達油。加波匿酸。幾阿蘇。淡臭者最宜 或安息香雜酒等品。噴吸其氣。又松節油。或洒在房中。或蒸吸其氣。均有效驗。亦有以鼻吸瓶。吸入藥氣而得效者。弗莫耳 Phymol。半分。加波匿酸與幾阿蘇各一分。哥羅方酒四分。相合。滲海棉納入瓶內。嗅之可也。或以佛士林化水。蒸氣吸之。亦有內服者 ○至於舊炎外用引炎之藥。如醋酸。碘。巴豆油。辣椒。芥辣。錦葡萄酒等。均可試用。○或最妙用得力平酒。或得力平醑。或得力平搽藥。搽在胸膛各處。又方。

得力平酒三兩。醋酸兩半。蛋黃一枚。檸檬油一錢。玫瑰水到六兩。外搽。或以郁加利達油。合樟腦外搽亦可。凡用搽藥之妙。一能引炎。二能推動胸膛與肺體。使痰易出。該藥不第搽入。又能吸入。四藥力能逕至血分。若用推拿法使肺體少動亦妙 ○如病症已退。宜出門改換水土。或至藥水泉沐浴。志按肺經一有輕重各病以後。須當保養極慎。毋使少留病根。以致再發。歷觀世人之有痰咳、勞傷、咯血、哮喘等不治之症。要無不從氣管新炎來也。

外傷不破 Bruises.

此乃指傷而未破者。當時皮膚尙未變色。宜用冷劑外壓。如冰與冷水或輕淡綠水均可 或以康弗拉利亞根鮮汁。Convallaria Root (Solomon's Seal). 敷之。或亞力加酒。或水洗之。宜慎用之每有用後皮破疹子者 如時久發癥。宜壓熱劑。或以熱伊打。或熱輕淡香酒搽之。并以棉花包裹。疼痛者宜鴉片。鉛醋。草烏。豆蘼茄。或合用。或分用。

均可。

魚口 又名便毒 Bubo.

或因白濁所累。或因虛弱所致。兩脢之核變大而硬。初起宜以濃銀淡養水擦之。或以乾塊銀淡養。或以極濃碘酒擦之。能散。一方碘片一兩。加波匿酸四兩。化後擦之。用此極效亦效。又宜靜臥。切勿行走。并通利大便飲食。小心爲要。○如不能散者。先用芝蔴壓劑。然後開刀。刀後以汞綠水洗之。或以碘片合加波匿酸擦之後。以埃阿達方洒之。○如經久不愈者。宜淡酸。或淡酸汞擦之後。以綠養冰水三十洗之。自能漸愈。兼以埃阿達方洒之

脚趾紅痛 Bunion.

治法。宜穿寬鞋。貼以膏藥。如大趾向內側者。拉直之。如腫大而熱者。宜碘搽藥。如痛而熱者。宜鉛醋鴉片搽藥。或以絨膏藥貼之。極重者割之。使肌筋伸直爲要。

水火泡傷 Burns and Scalds

如皮膚乾熱而未破者。當時以鎗雙炭養水足化浸之。毫無痛苦。可以立愈。否則必發水泡。而極疼痛。如無此水。不及化者。立以鎗雙炭養粉。合水擦在傷處。愈速愈效不能少延頗效。如痛而厥者。宜飲熱劑。并令全身煖熱。如醒後痛者。最妙鴉片一藥。大眼若皮膚有所傷之物粘連。如酸類所傷。宜蛤蜊水洗之。如柏油類所傷。宜橄欖油洗之。切忌浸入冷水。一手一足容可浸之。甯勿浸爲更妙也。如皮膚發水泡。當卽刺放。用麵粉擦之。四分麵粉合一分硼酸粉再以棉花包裹。其餘如沙羅。坐而Sal.。銻炭養滑石粉。鍾養粉。均可洒之。惟最妙之劑。莫如用橄欖油合灰水油藥。大約十斤內。另加六兩。加波匿酸。則效驗非常。偉倫氏云。此方治湯火傷。堪稱第一妙方也。一方。硼砂水足化一分。芝蔴油一分。相合亦效。換藥時。宜以硼砂甘油二兩。水二十兩。化合洗之。○如疼痛難當者。宜以哥根水擦在痛處。○如傷處一塊變爲死肉。第用油

藥包裹者。分離極緩。宜浸在汞綠水。或加波匿酸水中。則易脫耳。亦有以埃阿達方。化在伊打。用布浸貼患處者。亦有以漿粉、石炭養粉、熱芝麻油、爐甘石粉、鋸養油、硼酸油、鉛醋油等。或埃阿達方油一分。合佛士林三十分。或加波匿酸油。_{二十至一}鋸炭養油。_{十一至一}松節油、松香油。或橄欖油。與食醋各半相合。或魚肝油。均可用之。○如傷處極小。宜以布浸松節油貼之。或沙利沙酸一分。橄欖油六十分。相合。或橄欖油合蛋黃各半。或弗莫耳一分。橄欖油百分相合。亦可試用。

膝蓋骨墊發炎 骨墊又名動囊 Bursitis.

如因外傷跌打而炎者。宜靜臥勿走。用夾板包定。并壓冷劑。○極痛者。用蘋茄膏外搽。或壓熱劑。○有膿者速放之。另以汞綠水。_{五十至一}射洗。○如變舊症。概用碘搽藥。_{宜多搽之}不效。則用空氣瓶。抽放骨墊之水。放後。以濃加波匿酸五滴。或碘酒_{各半化水}射入少頃。再將射入之藥。放出爲要。亦有以針

線刺過腫處。每日拉動。以引者

瘰疬不愈
用此法效

胆淋 見後 Calculi, Biliary. See Gallstones.

腎淋 見後 Calculi, Renal. See Stone in the Kidney.

膀胱石淋 見後 Calculi, Vesical. See Stone in the Bladder.

癰 Cancer.

治癰之法。大約以止痛解毒去其腐毒爲要是非施以刀圭不爲功也。

能愈早
愈佳 亦有以鋸綠溴、鉛石。或火刀鉛輕養膏 Vienna Paste. 或鋸輕養、巴卑粉 Papain. 淡酸汞等劑爛之者。或以末石耳藍色 Methyl Violet. _{五百一至一}每射入一錢。能化之者。各部生癰如後。

膀胱生癰○不能施刀。惟有內服咖啡。或射入肛門與膀胱。以止其痛。或以謙落、綠養冰射入。亦能止痛。如癰在蒂核。以致溺積。宜在會陰割一孔以通小便。然亦無可如何之法耳。

乳癰○宜割之愈早愈妙。兼將腋核割時務將癰之根蒂割刮盡淨。是以割口愈大愈妥。以免再發。割後宜以汞綠水一千至二分或鋸綠水擦洗。○其久病不能施刀者。宜以蘋茄膏合甘油擦之。或加波匿酸。三十至五分或綠養冰。半至二分化水一兩或謙落油。或哥根水。一百至五百或一方佛士林一兩。哥羅方二錢。嚙啡四釐。相合浸布貼之。○癰爛極臭者。宜以埃阿達方粉洒之。其餘如汞綠。一至五分或至硼砂。硼酸。硼砂甘油。沙利沙酸。研粉洒之。或鑄之鹽類。化濃水洗之。又如幾阿蘇。加波匿酸。弗莫耳。薄荷油。松節油。得力平。納弗石林。松樹油。鍊錳養。水一兩化一分鋸綠。水一兩化一分均可試用。或以柏油。棉花。加波匿酸。棉花包裹之亦可。○如流血疼痛者。宜幾阿蘇。松節油。加波匿酸。白礬粉。四者或合用。或分用。亦有以伯東把兒。Licoperdon. Giganteum (Puff-ball.) 敷在癰面。善能止血。

舌癰○如不能割取者。宜哥根合甘油。硼砂擦之。或加波匿酸。一百至二分洗之。或埃阿達方合鉢炭養。一至十或硼酸粉洒之。

喉癰○爛者。宜以通管通之。或常以通管插在喉內。不使閉塞。并可將食物灌入。病重不能飲食者。宜以彼百瑞合乳。與藕粉半生雞蛋等。合以鴉片酒少許。不使肛門不舒洩出射入肛內亦有在胃脘之前。割成一穴。將食物傾入者。

胃癰○首先顧其消化養生之理。故宜每點鐘。進以濃牛汁牛乳等食物。不致身體衰弱爲要。胃癰常有嘔吐。每點鐘進以飲食雖吐不致倦乏也。并少飲白蘭地。或忽斯克酒。每十兩加二兩惟葡萄酒。嫌其味酸。宜忌之。有時可以藥水射洗胃管。○如胃痛而吐者。宜服鉢淡養。嚙啡。輕哀酸。冰塊等。或在胃部引炎。○如所吐酸而發酵者。宜幾阿蘇。每服一滴。日三四次。或服加波匿酸。輕磺養。磺養酸。郁加利達油。亦效。○如癰在幽門處可以割去。後將小腸頭與胃下口。再縫合可也。

腸癰○多屬不治。大概投以瀉利之劑。通其大便。如草麻油、橄欖油、硫磺、魚油、加斯加拉等品。間有割出者。後將腸之兩端縫合。如不能縫合。惟有另做假肛門。

肝癰○本不治。今亦有能割之者。

肛癰○非割不可。如病狀廣大。似難將根割盡者。甯勿割之。或另做假肛門。或在膀胱旁。或在臀後。膀部難割而用之便臂後易割而用不便也

子宮生癰○概在子宮之口。其病狀一痛。二血崩。并流惡水。臭極治非割之不可。平時病人之住室。宜以木屑合松節油。分盛數盆。置之房中。功能解臭。并服瀉利之劑。與腸癰同痛者宜嚙啡、鴉片。或內服或納入肛門。至於射洗子宮之藥。如硼砂水。足加波匿酸水。至六十溴水。至五百鉛醋水。百六十銥錳養水。五化水二十兩汞雙綠水。一化水十兩克羅林。一至二十兩均可用之。一方。沙利沙酸八釐。鏽沙利沙三錢。郁加利達酒太錢。蒸醋六兩。相合。用兩半化水二十兩。

每日三四次。射洗子宮。或謂最可靠者。莫如埃阿達方。合甘油。化四十至一化八浸棉花。塞入子宮。可以解毒。或用甘油加波匿酸一兩。甘油炭。匿酸八兩。相合。浸棉花塞入子宮亦可。亦有用銥錳養水先洗之。後以得力平合。杏仁油塞入。或以松節油化水。一百洗之後。以松節油合橄欖油。一至四塞入。亦可。或用硼酸粉吹入亦可。或合棉花墊入如流血者。內服之藥無效。宜礬水化足。浸絨布滿塞子宮。如子宮口開者。宜以濃鐵綠水。一至四射入。如第在子宮口流血者。用布浸鐵綠水貼之。或用鋸綠水或火刀電震。均能止血。○此症丹藥無濟。如鋸錄、鍊質、溴質。一化火五分鉀石、淡酸、濃加波匿酸等。均無用處。如不得已必須用之者。惟鋸綠爲妥。亦有以鋸綠自化之水。貼在爛處。有癰之處其旁邊無病處。須用淨布墊之。勿使沾染。或以鐵匙括之。或將癰伸長。用剪剪之。癌在宮口可用此法○如癰大。滿塞子宮者。統宜割出。

此症最宜顧其身力。飲食起居。均宜小心。大約此症由於貧寒得之。其外搽之藥。最宜先聞哥羅方。後搽淡酸。宜慎用之務將腐質去盡。後用麥皮等壓劑。○病勢極重者。尚未亟將病處統行割出。其飲食宜白蘭地、雞汁、牛汁等物。自鼻孔灌下。勿由口入。以防腐質咽下。并常以銳綠粉搽擦患處。兼以銳綠水五十一至漱口。能使患處愈淨愈佳。內宜大服鐵酒。

發背 Carbuncle.

治法宜顧其身體。起居飲食。最宜小心。如能起牀。則行走爲更佳。內服金雞那合鐵酒。兼服鹽類瀉劑。又如鉻礦養每八分釐之一。初起服之頗效。如舊症宜服鉢石。如困憊者。宜輕淡香酒二兩。辛高拿酒二兩。相合。每用半匙。合白蘭地半兩。每二點鐘一服。不睡而痛者。宜鴉片或安的拜林。如已軟熟者。宜割十字形。後壓熱劑。和以埃阿達方或硼酸粉包時勿用油紙。或第以解毒藥布包之者。更有不用刀而以加波匿酸一錢。甘油五錢。汽水五錢。每次射入一錢。約射三四次代之者。○偉倫氏法。常割十字形。後以絨布浸入濃加波匿酸。織在割口。此外有以加波匿酸五十一至用象皮球噴射者。有以銳輕養小塊納入割口。或凹處者。如疼痛者。宜以蘋茄膏合甘油。或哥根水綠養冰水搽之。○亦有以鐵匙括之者。或用蠻蠻等品爛之者。解臭之藥。宜汞雙綠、松節油、得力平、鈷綠水。水一兩化一錢銳錫養水等。均可試用。

骨爛 又名腐骨疽 Carbies.

大約爲瘰疬遺體。或嘟吡咖叻所致。治宜補身。魚油、麥液醬、牛乳、鐵碘、燐石綠、輕綠、以及金與銀之鹽類等品。均可服之。如爛處近骨節者。切勿行動。宜用夾板包紮。并須不時通風。改換新鮮天氣。爲要。如有積膿。宜開刀放之。大約與膿瘍治法同。如成管者。用安息香雜酒射入。最效。亦有用淡礦酸。化水待水化盡。取其原汁。射入。或用黃汞養、松節油、銳輕

養碘酒。或佛力士水 *Villate's Solution.*

即鍍銀養銅礦養鉛
醋與醋相合而成

等。均可射入。○如爛

骨易摸已露者。宜用鋸輕養鍔綠洗之。或火刀割。或鑿去腐骨。後以加波匿酸水。或汞綠水。鋰綠水洗之。再以棉花浸以諸藥。塞入可也。

背脊骨爛 即龜背風 *Caries of Spine.*

大約亦爲瘰癧遺體之故。服藥已詳上文。此症初起。先覺腳痛或麻木。當時背部毫無病形顯出。如小兒見此種病情。宜速使平臥板牀。常換新鮮天氣。約數月之久。不可中止。如背部痛者。宜引灸用蠚蠚等品。亦有用哥羅方擦藥。浸布貼在痛處。頗效。○如背部形狀僵硬者。當用石膏布卷綁紮。勿使各骨相挫用力爲要。其法。先洗淨全體。第穿汗衫一件。兩手攀空懸挂。惟在胃部先貼棉花。至飯後胃脹凸度爲止。然後用石膏紗布卷。浸入水中。擠乾。在胯廉約低寸處紮起。須一人包紮。一人將石膏括平。如小兒宜用三寸闊。三碼長之布卷。約五六卷。如成人宜四寸闊。三碼長之布卷。約七八卷。包時手法。宜愈速愈妙。恐少延。石膏無粘性矣。包畢。待乾。約經兩日後。方可翦開脫下。如再用即以皂成之衣衣之則。病自退。後當再衣硬氈製成綁身。勿使脊骨過於用力相挫爲要。

抽搐 不省人事 *Catalepsy.*

此本狐惑百合症之類。一時病發。不省人事。如抽搐者。宜冷水拖擊。或電震。或聞輕淡等劑。并宜取吐。惟此時多難服藥。可用皮膚針射入阿伯嚙啡十分釐之一。至醒。宜服輕淡甘松酒一錢。或合阿魏酒少許。同與衣一共割出。三刺之。使前房水通入。能漸化散。四用針刺入抽出。古法將變質

睛珠變質 又名內障 *Cataract.*

此症非割不治。初起宜帶墨鏡。使瞳神易於觀看或用佛士林合了刀邊。八分釐之一搽

入眼胞。使瞳神放大。其割法一。但割破睛珠而不將包衣取出。二睛珠與衣一共割出。三刺之。使前房水通入。能漸化散。四用針刺入抽出。古法將變質

質倒下或在後其三四法。在年輕者可用之。如年老必須割出。刺放無效。大約割時先用哥根水滴入眼中刺之。毫不覺痛。轉聞哥羅方更為穩妥。如年輕與小兒。不如用刺放之法爲佳。如眼球內有別病。或不能分別朝夕與燈火者。因變質過厚之故也。不必割之。○割後須審確割口。齊合無差。并無棉花布屑等夾在割口。然後用棉花浸硼酸水包好。過二日一換。并滴入了刀邊水一二滴。數日內宜在黑房。切忌坐立行走。至十日後可以解去。并帶黑鏡。勿見過亮之光。

傷風 已詳氣管炎症 Catarrh.

如初起打嚏鼻涕者。宜一方。鉢淡養六錢。膠粉二錢。嚙啡二釐。或以埃阿達方一分。炭匿酸一分。相合。搐入鼻內。或以棉花浸哥根水。四釐化水百滴。塞在鼻孔。或薄荷冰八分化水百分。浸棉花塞鼻孔。或用銀淡養水。一分化水。一兩。搽鼻肉皮。或以鋌礦養水。一分化水。或加波匿酸水。一至八十。或加波匿酸水。一兩化水。或加波匿酸水。一兩化水。安息香雜酒。郁加利達油。輕淡綠氣等。亦頗效驗。○如舊症宜吸輕淡綠藥煙。或安息鉢。每服一錢。能使不發。○如重發。初起服咖啡半釐。或服蘆茄。或了刀邊水。每六點鐘服一滴。均效。餘見高熱症。

手皮皴裂 Chapped Hands.

首要之法。宜不受風寒。套以手套。并勿用溼布揩抹。所用之皂。宜淡而有油之皂。如萬納羅香皂最佳。Vinolia Soap.一方。卡而白兌對兒琴水。Liq. Carb. Deterg.。錢半。汞輕淡綠二分半。闡納林二兩。相合。搽後一夜可愈。惟搽之宜極周到。搽之極熱。後用麂皮手套。最易告愈。其餘如甘油合玫瑰水。一至五。或合安息香雜酒。一化。挨地壳倫。二化。或漿粉。或鉛醋水。一至八。佛士林。滋肌香蜜膏。或用甘油三分。海達來司酒。Tincture Hydrastis.。一分。玫瑰水十分。搽之均效。

凍瘡 Chilblains.

初起紅赤腫痛者。宜運行氣血。或挫擦患處。○一方。樟腦酒二兩。辣椒酒一錢。印度麻酒一錢。加絕布的油。Oil Cajuputis. 一錢。相合搽之。或用樟腦雜搽藥。功用亦同。○又方。肥皂搽藥三兩。哥羅方一錢。蘋茄搽藥四錢。相合搽之。或用碘搽藥。搽後再用刷刷之。使熱亦妙。○惟亞力加與草烏豆。概不用之。雖用時頗覺舒暢而性後反使病重或用蘋茄搽藥。善能止痛。或松節油二兩。橄欖油二兩。哥羅方半兩。相合搽之。或用郁加利達油。合薄荷冰。或弗莫耳。亦效。○其已爛者。一方。鋸養油一兩。安息香雜酒二兩。闌納林四錢。相合調勻。搽之。或爐甘石粉八分。比魯漿一分。最有效驗。或用止痛哥老典恩搽之。或依克坐兒二分。闌納林八分。相合搽之。○如爛不收口者。宜綠養冰水。水一兩半分化搽之。至於病人。宜常運行。忌用銅鍋烘火。○內服之藥。最效鐵丸。一方。鐵雙綠酒四錢。金雞那一錢。毛地黃酒一錢。甘油二兩。水加至六兩。每日二次。每服大匙。功效最靈。

雀斑 Chloasma.

雀斑患者最多。蓋爲假皮之鎂過多。由皮白日暴而來。一方。汞雙綠水。一百化用布浸濕貼上。能使起泡。將泡水刺放。再用乾粉擦之。如滿面皆是者。一方。汞雙綠八釐。合杏仁漿八兩。浸海絨擦臉。或用汞輕淡綠油擦之。或鉢油八至一碘酒。加波匿酸、硫養酸、輕養、醋酸等。或甘松精一二分。合猪油一兩。外搽亦效。至於蜜蠟水與油與芥辣。不用爲妙。因用時能退。用後發斑更多。亦有用克拉砂羅平 Chrysarobine. 而取效者。○如婦女有孕。子宮廣筋有病。有雀斑者。宜內服之藥。病去斑自退矣。

血薄綠症 Chlorosis.

此係處女發身血薄。面黃變綠之症。或因胃弱食少貧苦所致。本血薄之症。此不過面變綠色耳。治法。非鐵不可。或代力斯得鐵。每服半至一

錢。日服三次或鐵綠酒。每服十五滴。有時宜與鉛石間隔服之。或鉛石
鐵合服。或服鐵蛋清。Albuminate of Iron. 均可。并以牛血液已去血絲射入肛門。
亦有投以瀉劑者。○一方。鐵礦養一分四錢。礦養六錢。香礦酸一錢。薑
酒二錢。龍胆草湯加至八兩。相合。分六次服。每早晚一服。如服後嘔吐
皮乾不舒者。宜一方。鐵礦養二分四錢。雙炭養二錢。鐵礦養六錢。薑
酒二錢。哥羅方酒一錢。苦白木水加至八兩。分六次服。宜早上十點鐘。
晚六點鐘服之。

霍亂 *Cholera Asiatica.*

俗稱吊腳痧。病勢甚險。治法。泄瀉者最宜鴉片。宜流質如流膏
酒水等更靈 大約用鴉片酒二十滴。鉛醋三釐。合作一次服。每瀉一次。服藥一次。約四五次為度。或
淡礦酸。亦可服之。厥逆者。鴉片勿用。宜在肚腹貼芥辣膏。○吐瀉交作
者。宜嚙咼射入皮膚。哈更氏在第十對腦筋路。項前 貼以蟹螯膏。

有止吐之功。○泄瀉緊者。宜多服鴉片自止。○或謂鴉片與鉛醋不可
合服。宜以沕水化鉛醋。加食醋少許。先服之後服鴉片。○如用以上諸
藥不效者。宜服加路迷二分。○形狀將厥者。宜提神之品。或挫擦四肢。
或煨熱水瓶。或以輕淡水、樟腦酒射入皮膚。或肛門射白蘭地合牛汁。
或吞冰塊。或飲冷香餅酒。均可。○如初候病情已退。將有轉機者。以上
諸法均不可用。宜投以藕粉合牛乳。并肛門射入牛汁。○止吐之藥。最
妙加波匿酸。每服一滴。或幾阿蘇銅礦養。每服四分釐之一。或松節油
亦效。○近有用沙羅。謂善治此症者。恐無實濟。因此藥在腸胃最難消
化也。○一方。薄荷油二分四馬前膏四釐半。大黃雜酒五滴。大黃酒
Tinct. Rhei-spirit. 二滴。鴉片酒。甘松。伊打酒。薄荷酒。甜消伊打。每二兩相
合。每服一錢效。

志謹按中醫論霍亂一症。○內經謂厥氣上逆。清氣在陰。濁氣在陽。營

氣順脈衛。氣逆行。清濁相干。亂于腸胃。則爲霍亂。陳無擇云。陰陽反戾。清濁相干。陽氣暴升。陰氣頓墜。陰陽痞隔。上下奔走。心痛則吐。腹痛則利。心腹俱痛。則吐利交作。劉河間謂三焦傳化失常。而吐瀉霍亂。火性燥動故也。張載人謂風濕渴爲患。王海藏謂風濕熱外至。生冷物內加合而爲病。準繩曰。要以脾胃之濕爲本。諸邪感動者爲病之由。氣運篇。謂歲土不及。風乃大行。民病霍亂飧泄。此土虛風勝之霍亂也。大抵症發於夏秋之交。重則病勢猖狂。四肢冷厥。六脉沉細。面晦唇癥。轉筋掣痛。甚屬危險。因病勢之輕重不一。而病症之名目故多。曰霍亂吐瀉。曰霍亂轉筋。曰霍亂傷寒。曰霍亂煩渴。曰乾霍亂。其審症設治。殆未及西醫之精確歟。夫西醫已驗究此症之毒。由疫虫乘虛襲人。攏入胃腸。使腸胃津液變爲白色如乳。以致吸管閉塞。不能收攝精華。身無所養。於是陰陽反戾。血凝氣滯。氣冷囊縮。四肢冷木。盜汗如脂。以及轉筋等狀。相繼而起。甚屬危險。見症立宜投以行血運氣辛熱之品。化腸胃之毒爲烏有。一方 以極淨玻璃瓶。須用玻璃塞子。納入輕綠酸八滴。輕綠嚙啡八釐。酒醇六分四。相合。加哥羅方九分六。濃伊打六分四。淡輕炭淡酸六分四。印度藤酒六分四。辣椒酒四分八。薄荷油六滴。膠粉四釐。紅糖露六錢。滌水加到二兩。調勻。每服分半至四分。依病之輕重。加減服之。此方西名所謂哥囉頓是也。用治各種痧氣。霍亂。傷暑。各症。極有效驗。是以此方不敢久秘。公之於世耳。志 曾擬一方。加路米一錢。濃伊打五錢。哥羅方錢半。相合。加淡輕炭淡酸一錢。甘油淡酸一錢。濃薑酒二分。肉桂油二分。加絕布的油四分。樟酒三錢半。白蘭地或忽斯克酒三兩六錢。紅糖露五兩。相合。調勻。每服四錢。極重者可服七八錢。用治霍亂。歷經效驗。○其吐瀉者。最宜鴉片。上文詳 ○如盜汗。面如土色。脈象沉細。周身不舒。極形倦怠者。不治。○如吐瀉極緊。或四肢冷木者。宜以

熱水瓶。煨其四肢。再以絨布浸熱水。加松節油數滴。壓在胸腹。行其氣血爲要。亦有用嚙啡射入皮膚而得愈者。

附痧氣○考西醫無痧症名目。志於痧氣一症。歷經察驗。十餘年來。方知痧之爲病。合暑熱各症而統稱之也。中醫於夏秋燥暘之症。不辨標本。每指之曰痧。痧之名目甚多。不下百餘種。大約見症命名。不過駭人聽聞而已。○明明食積胃痛。或胸腹不舒昏迷頭重冬患之稱爲積食。至夏患之。則稱爲痧。餘可類推。不能枚舉。考字典無痧字。古書並無記載。痧之名目。實不知起自何人耳。治法。志按痧之爲病。兼有因暑熱傷腦。以致神昏不清。困頭欲睡者。是與冬令之症不同。因暑暘外引身體之血。均行皮肉。以致臟腑之血減少。故治痧之法。宜服提神行血之品。使胃腸臟腑之血加多。是正法也。○如梅氏痧藥。與痧氣奪命丹。均可搐鼻內服。甚有效驗。此二藥用西藥合成丸散用治中土各種痧症甚有驗效。即以兩藥名之其實西醫無痧之名目也。

抽風病卽癇癪抽搐之類

大抵小兒患之。病發宜睡。用冷水壓頭。飲食精細。勿勞心思。每有與血薄症相連者。宜先補血。服鐵、魚油、麥液漿等品。有時兼服鹽類瀉劑。如久發不止。宜鉛石水。如小兒七歲可服三滴後漸服至十滴一次久服勿斷。或合鐵劑同服。○一方。鐵綠酒二錢。鉛石水三錢。甘油一兩。哥羅方水加至五兩。每服一錢。和水。飯後服之。如不效者。宜錳礦養。先二三釐。後加至八釐。飽肚服之。銅礦養銀淡養亦可少服。但不若錳礦養之效。其餘如鋸溴、輕淡溴、鏑溴、山米斯碘、沙利沙、燐、錳、甘松錳。服之均無大效。惟士的年頗有效驗。如小兒因驚而發病者。服之最靈。○如病症屢發不止。須防脫力宜先服鉛石、鐵、錳礦養等。後服謙落汁。或綠養冰。每七歲服三釐前有八歲小女誤投綠養冰八分。幾死。待救活而病從此愈矣。至於蘋茄、鬧羊花、印度麻。均不可服。宜忌之。又哥羅方。或有聞吸而愈者。亦有用加辣

巴豆。或粉或汁。以及撒弗那兒。安的拜林。并電震而得愈者。如病發抽搐之時。宜將四肢拿定。切勿用繩繫縛爲要。

小便有油或白濁症又名濁涵養質 Chyluria.

概因寒熱之蟲。名 *Filaria*. 在血。以致濁中有油。治法。用山米斯根。安息鉬。沒石子酸。每服二錢或大服鐵酒。概無實濟。不治。

白衣發炎 Chloroiditis.

概爲花柳之毒所致。故取治多用汞劑。或內服銻碘。外搽汞油。亦可。如無花柳之毒。與內腎之病。而有此症者。宜服汞雙綠十五分釐之一。并先服鎂鹽類劑以瀉之。又在太陽蜞蛻。或引炎放血。最宜忌光。勿用目力。○新起用比魯介賓射入。最有靈驗。每用六分至四分釐之一若用返光鏡照之。見白衣與黑衣相分。因炎有血液溼洩所致。如失治白衣壞則瞽。者多覺脹痛。宜在白衣前斜刺。將血液放出。當未放時。在太陽必須引炎爲要。○如小兒患之。多由花柳遺體之故。如初起失治。至變成舊症。則已不治。惟有顧其壯弱而已。

上腭崩裂 Cleft Palate.

此症非割不治。如在腭簾裂者。至二歲半宜割。如腭骨崩裂者。至五歲宜割。○腭簾裂者。第將裂邊割縫自愈。○腭骨崩裂者。宜將骨衣一同割縫。相離過大則不能割自能生合。○割後必須用銀線縫合。過十八日可以解去。如年已長大。不及割者。可鑲象皮托底。如鑄牙齒之法雖有良工。割之十難九痊。

瘧脚即甩脚或歪脚 Club Foot.

此症大半胎成。其形狀或歪前歪後。歪左歪右。四種。治法有一。一推拿法。二割斷牽制之筋。割後宜包裹得法。不使再甩。○如爲肌肉癱瘓。而成此症。宜射入馬前冰。并電震。○如胎疾。見症宜自幼用推拿法。如用之無效。不得已將所牽制筋割斷。勿待之長割之○亦有聞以哥羅方。然後扯直用夾板。或包石膏布卷。約逾六禮拜後。方可解去。

尾閭骨腦筋痛 *Coccydynia*.

與平常腦筋痛相同。治法用蘋茄碘蜜等引炎與止痛之藥。或鐵烙電震。或以安的拜林用皮膚針射入。如婦女與子宮病連者。宜先治子宮之病。○亦有用哥第那嚙啡而得效者。一方。蘋茄膏四分釐之一。埃阿達方。鬧羊花膏各四分釐之三。白塔油二分。合成尖丸。納入肛門效。○又方。綠養冰一釐半。甘松膏一釐半。白塔油二分。合成尖丸。納入肛門亦效。

乾肚痛 *Colic, Intestinal.*

概爲食物不化內積之故。大抵小兒多患之。爲乳食未化所致。初起宜服草蘇油。并易乳娘。倭以代奶粉。*Nestle's and Malline's Food.* 凡鴉片劑。均忌勿服。痛者宜以八角油或薄荷油滴在糖塊服之。小兒服薄荷油則更靈 ○一方。鎂炭養二分。薑糖三錢。哥羅方酒二分。阿尼的水到二兩。每一點鐘服一錢。○成人患此症。宜服瀉劑。如草蘇油合鴉片佳。一方草蘇油六錢。大黃酒二錢。鴉片酒二分。桂皮水到二兩。作一次服。或以水節射洗直腸。後宜加路迷六釐。合嚙啡六分釐之一。作一次服。或以水節射洗直腸。後以嚙啡尖丸納入肛門。○如服加路迷後不瀉者。宜熱水熱百有四度沐浴。并以熱芝蔴壓劑。或以熱松節油滴在熱絨布。或以熱水瓶等。壓在痛處。○仍不效而極痛者。宜皮膚針射入嚙啡三分釐之一。合了刀邊水一滴。當時隨服熱茶。或茄非或薑湯。或熱白蘭地等一杯。以助之。○如屢發不斷者。最宜嚼囉顛。每服半錢。或輕淡香酒。每服一錢。合白蘭地對半。或服阿魏酒一錢。或咿打酒一錢。或蘋茄酒一分。或辣椒酒。薑酒各服一錢。或加絕布的油每服五滴。菊花油每服三滴。肉桂丁香茴香油各服三滴。或樟腦每服半分。每二三點鐘服一次。均有效驗。或謂馬前最有功效。而偉倫氏云。馬前於此症無大效驗。

鉛毒乾肚痛 Colic, Lead.

治法。立服瀉劑。通其大便。宜服鎂礦養較草酸油佳一兩。後服鈣碘。且每早少服利便之劑。鎂或淡礦酸養佳化水一杯飲之。能止渴。或荷蘭水。宜用礦酸鈣而瀉之功謂有泄者成或白礬每服二分。或謂有泄善能止痛。或礦粉葱蒜韭菜蛋黃礦水等。均可食之。能引鉛毒外出。兼以礦水沐浴可也。

暈厥 Collapse (and Shock.)

此乃病狀。醫者見此。當思顧其心力。立使病者平臥。使血平運。外以芥辣貼胸窩。頸脊與腳小腿。內服白蘭地忽斯克酒。如不能飲食者。納入肛門。或用皮膚針射入。呻打其餘如馬前冰。毛地黃。使得羅返得斯。蘋茄等。服已不及。不如嗅以哥羅芳。再以利比克牛汁。Liebig's Meat。半兩。熱水化。或飲下。或射入肛門。大有提神之功。○如因流血過多而厥者。因全身血管虛之故當在兩腿用象皮帶紮緊。使血歸運。胸窩爲要。如因跌打損傷。必須用刀者。待醒割之。

昏迷不醒 將死之兆 Coma.

此前必先四肢抽動逾常。或言語過常。漸至長吸短呼。昏迷不醒。呼之不應。擊之不覺。治法。先宜審明病由。是否服毒酒醉。或溺毒入血。傷暑傷渴。或大熱或腦包炎中風等所致。○如中風昏迷不醒。宜服加路迷。如溺毒入血。誤投以加路迷。是速其死也。故醫者最宜審其病由爲要。○如不能得其病由者。宜治其標。用芥辣膏貼在頸項胸腿等部。如疑其服毒者。宜射洗胃管。并服巴豆油一滴以瀉之。兼以冷水擊其頭部。餘詳各症條下。

腦部受震 Concussion.

其故或爲跌仆。或爲房屋圮倒。一時震動腦體。治法。與厥症同。惟此症白闌地忽司克等。不宜早用。○此症待醒。其形狀面熱目赤。立宜冷治。

用冷水澆頭。并將髮統行剃去。或大瀉之。或住黑房。約二三禮拜勿勞心思。靜養爲要。

花柳軟蘿 *Condylomata*.

大抵患在肛門兩旁。治法。先宜洗淨。後以乾塊銀淡養搽之。或以汞淡酸水搽之。後以加路迷粉洒之。如在口部。宜以鎔養酸一分。化水五分搽之。宜慎有毒或以埃阿達方粉。或加波匿酸。或銻綠一分。化水一兩。先搽銀淡養水後以此浸布貼均可用之。重者用刀。或火刀割之。志按此症用鍼碘油。搽之極效。

眼白衣炎 又名罩睛皮炎 *Conjunctivitis*.

卽所謂目赤腫痛。風火眼也。經久不愈。治法。宜用淡歛劑。如銻磺養一分。玫瑰水八兩。或硼酸三分半。玫瑰水八兩。或白礬一錢。汽水十兩。或銻綠四釐汽水八兩。或汞雙綠一釐汽水八兩。或銀淡養半至二分。汽水八兩。或滴入眼中。或用玻璃杯洗之。依病之輕重選而用之可也。如用藥後。痛而流淚者。宜滴哥根或丁刀邊水。○如用諸藥不效者。宜銀淡養一分水一兩。搽抹眼胞內皮。後以鎔綠水洗之。○此症易於傳染。凡病人所用臉巾面盆。均須慎之。

一、如瘰癧體發此症者。*Strumous Ophthalmia*. 概爲身弱之故。其病狀腫

痛羞明赤熱。閒有在白衣生小瘡者。俗稱曰星最宜黃汞養油膏。此方本用三分化佛士林

矣用少許敷入眼胞之內。少閉。將藥運化。徧勻內皮各處爲度。或以加路迷粉洒入亦可。病人宜靜臥。換好水土。服鐵魚肝油。常使清靜。天氣吹過眼球。切勿過於包紮爲要。

二、嬰兒生下二三日發者。爲生產時惡露染入眼胞所致。*Ophthalmia*

Neonatorum. 治法。常以冷硼酸水洗眼。愈勤愈佳。或以礬水。八釐化水一兩銻磺

養水。一釐化水一兩或加波匿酸水。二滴化水一兩汞雙綠水。一釐化水六千分均可用之。或先以銀淡

養水。二釐化水一兩後以埃阿達方佛士林油。二十搽抹眼胞。如眼胞腫脹積熱者。

眼白衣炎

用銀淡養。分半化水一兩翻轉眼胞擦之。後以冷水硼酸布包壓。以退其炎。此外小兒倍宜清潔。勿沾污穢爲要。

三 此卽膿炎。Ophthalmia, Purulent. 或新症變舊而成。或花柳白濁之毒。累及所致。治法同上。惟諸藥宜格外加濃。所用銀淡養。宜^二分化水一兩。或乾塊擦之。後以鏑綠水洗。或常以冷水洗壓。其未病一日。宜用玻罩以膏藥粘貼。仍能看視。不至染毒也。如病非極重。宜埃阿達方粉洒之。

四 喉痧之毒染及眼部所致。Croupous Ophthalmia. 治法。宜以硼酸二分。化水一兩。或汞綠四分釐之一。化水一兩。或銻綠四釐。化水一兩洗之。
五 由爛喉痧染及所致。Diphtheritic Conjunctivitis. 初起宜用冷水。或熱水壓之。有膿照膿法治之。

六 眼胞肉砂。卽內皮舊炎所致者也。Granular Ophthalmia, Conjunctivitis, or Trachoma. 以至內皮生發小點。硬如砂子。重則累及明衣。治法。審其病因。概因居住欠潔。或灰煙熏襲之故。宜以銀淡養或銅礦養乾塊擦之。
兼用銻綠水不必能退肉砂。如用此二藥不效者。宜將膿炎症之淚或膿膠少許。染入胞內。使發膿炎之症。或以 Jequirity Infusion. 一百滴入眼中。能使發患膿炎症。較上法爲更妥。惟明衣有病者。忌用此法。黃汞養油膏。三分化一兩可常用之。紅汞養油亦可試用。

大便閉結 Constipation.

此症最多。概不易治。大約便無定時。或無暇大便。經月累年。以致一肛門腦筋不靈。二肛門肉絲舒縮之力漸失。三大便內積。乾燥不能外導。是以大便有難也。如不能每早依時大便者。此時宜照時便之。無論大便有無。每早必須登廁。一次一仍不能便者。以冷水十兩。射入肛門。用一禮拜後。自效。或每用甘油一錢。或用甘油尖丸納入肛門。亦效。亦有用小塊肥皂。納入

肛門。善能導滯者也。

如長熱便閉
用此法極安

○如便閉過久。其大腸多有積垢。第投瀉劑。決無效驗。反有腸炎之弊。不如用溫熱肥皂水。射入肛門。直至大腸。

約一百至百六十兩射時。病人宜左睡。或和以橄欖油
草蘇油亦可少頃。自能通利。

○如年老或鴉片老癮。數旬不便者。此法無效。不如以鐵匙或手指挖出爲妥。雖有用芝麻或

溫水或肥皂水射入潤之。或以電震之者。究無實濟耳。

少於運動。讀書操會之輩患此症者。每早宜多運動。又宜常食麥皮饅頭。

最好用未去殼之麥粉

或野麥糊 Oaten Meal. 以及水果鮮菜。宜多食之。或每早食橘子數枚。

每晚多食葱頭。均有利便之功。或每早飯後。服橄欖油或魚肝油一大匙。亦效。又無花果。洋棗。宜煎熟食之亦能利便。可常食之。亦有忌食魚肉。切忌雞蛋約

一二禮拜而愈者。亦有每早以冷水壓肚腹。或推拿腸廻。或冷水沐浴。

或電震腹部。均有效驗。大抵正治之法。瀉劑甯勿用之。因有久服瀉劑不能斷者如服之。

惟加斯加拉膏。推爲第一。每晚服半錢或一錢。連服數日。極爲穩妥。久

服一二月。可以告愈。服加斯加拉之法。不一。或服膏或服水。或合甘草同服。

一方。加斯加拉流膏二兩。馬前酒三錢。蘋茄酒三錢。甘油至

四兩。每晚服一小匙。極效。堪稱第一妙劑也。

二、亞羅須合別藥同服。

最宜合鐵礦養

○一方。亞羅膏一釐。鐵礦養二釐。成一丸。

每日服三丸。一禮拜後。每日服一丸。亦效。

如有痔症者。服亞羅能瀉之。宜重瀉功效亦佳。

不微利

○一方。亞羅膏。馬前膏。吃

哩咯粉各半釐。辣茄粉一釐。合成一丸。每中飯後服之。又安得烈氏方。

馬前膏。鐵礦養。沒藥粉。肥皂粉。亞羅精。各半釐。合成一丸。每午服之。

三、蘋茄。宜用膏。每四分釐之一至半釐。或合別丸同服。小兒則宜蘋茄

酒。

四、哥羅新。宜用酒。每服十滴。每午服之。

○一方。哥羅新雜丸二分半。鐵砷養一釐。蘋茄膏八釐。分作二十丸。每午飯後服一丸。

五 大黃。概不用之。雖能取瀉。瀉後反有便結之害。

六 布道非連。兼有胆汁不利者最宜之。又宜與蘋茄同服。○一方。布道非連酒一兩。蘋茄酒四錢。薑酒六錢。每晚服二十滴。合糖少許同服。○又方。布道非連松香塊四釐半。亞羅流膏大黃膏各四分半。蒲公英膏足用。分作四十丸。每晚臨睡時服一至三丸。

七 洋合莞。功用同上。

八 草麻油。宜每日服少許。孕婦便閉。服此最效。

九 鹽類瀉泉。Saline Purgative Waters, as Friedrichshall, Carlsbad, Hunyadi Janos, Pulina, etc.

宜多服之。且大有佐助加斯加拉與亞羅之功。其中最佳。卽 Friedrichshall。宜每早服一小杯。

十 辛拿渣笠、士禁無尼、籐黃、巴豆油、鎂之瀉劑。與汞丸等。初起實症。容可服之。如大便久結者。切勿取用。

十一 蓖彌羅。Tamar Indien。凡虛弱婦女。少運行者。服此可也。

十二 磷粉。宜每早用一錢。合橘漿同服。○又甘草雜粉。小兒宜之。

十三 白礬。亦有取瀉之功。但此惟鉛毒便閉者宜之。又宜合鉢劑同服爲要。

十四 告故羅斯。Caeculus. 圭阿噤。末司克靈。加拉巴豆等。有用之者。概無大效。

如小兒有此症者。概爲飲食。節其飲食自愈。不愈者宜瀉之。加斯加拉流膏。每晚服五滴。或草麻油。每服一二錢。○又甘油尖丸或肥皂尖丸。亦可用之。或甘草雜粉。合半分磷粉作一次服亦效。又嗎喙。Manna. 亦可服之。○或以水五兩至十兩。洗射肛門。亦效。

凡新起便閉者。最妥之法。先晚服汞丸與哥羅新丸。次早服鹽類瀉劑。或果子鹽。或鈦葡酸散可也。

抽筋 Convulsions.

比乃病狀。實非病也。如有蟲抽搐者。先宜治蟲。或因溺毒入血抽搐者。
之症 腎炎先治腎症。或爲癇症。狐惑症。服馬前毒。以及出牙中風酒醉產後驚
 風等症。均有抽搐之狀。一見此症。醫者先宜審其病本爲要。切勿造次
 投藥。當抽搐之時。亟令平臥。解鬆衣襟。口噤咬舌者。張開其口。使舌伸
 出。如四肢抽顫極重。無碍於身體者。聽之。切勿縛繫。如抽搐極緊。逾時
 頻抽不止者。宜聞淡養氣。哥羅方。伊打。或肛門納入綠養冰水。○凡小
 兒抽搐。概爲出牙之故。見症宜以指甲探明牙齒。將出之處。刮破牙肉。
勿用 刀割使之速萌。又服溴劑。如週歲之兒。宜以綠養冰九釐。輕淡溴四分。甜
 消伊打一錢。橘皮糖露四錢。哥羅方水到三兩。每二點鐘服一錢。并以
 热水沐浴。兼用芥辣粉。麥粉各半成膏藥。貼在頸後。待能下咽。當投以
 滉劑爲要。如腦有別病。有瘤或積水者宜以鍼溴合鍼碘同服可也。

明衣炎 明衣又名明角罩 Cornea, Inflammation of

此症概由晴衣炎症所累而起。治法。宜滴了刀邊水。忌光。當初炎時。忌
 用歛藥。宜熱壓劑。或以蘋茄膏合甘油敷入眼中。或用以外包。如有膿
 者。宜硼酸四釐。化水一兩洗之。○已成舊症者。最效用黃汞養油。四或
 八釐。佛士林一兩調勻。敷搽。兼滴了刀邊。或以加路迷洒入眼胞之內
 亦效。大約銀淡養不多用之。如用必先滴哥根水。然後搽之。或以銀鍼
 淡養乾塊。Mitigated Caustic. 抹之。或用火刀在爛處割之。後洒埃阿達
 方可也。○久病失明者。宜在太陽或眼胞。穿絲線拉動之。以引炎。或貼
 蟹螯膏。外弔亦可。○內服之藥。宜補養全身。

眼痛者可用哥根。伊斯林。Eserine 即加拉巴豆精了刀邊。不效者。可以白塔綠養
 冰 Batly-chloral. 半分。每一點鐘一服。或輕淡綠三分。每一點鐘一服。或
 其拉撒米姆酒。每一點鐘服五滴。善能止痛。○如年老無力者。宜提神。

如忽斯克酒。輕淡香酒。或金雞那泡水。均可取用。○如明衣內積膿水者。宜在明衣下廉刺放。或做假瞳神。使膿外洩。○如因花柳所累者。宜服汞劑。至流口水爲度。如新炎已退。變爲舊症者。宜搽黃汞養油。

雜眼 俗名脚朕 Corns and Callosities.

此症均由鞋子過緊所致。故有此症者。鞋子切宜寬暢。朕小而薄者。或可割之。如厚而堅者。可以毒醋滴在頂上。自能脫去。此外以沙利沙酸。爲第一妙品。因其功用能化皮膚之珠。○一方。沙利沙酸一錢。印度麻膏一分。哥老典恩一兩。相合。用玻塞子瓶收藏。切弗洩氣。每日搽敷一次。必能脫落。○其軟而韌者。可貼脚朕膏。其膏藥之孔。宜襯沙利沙酸。數日亦能脫離。○羅氏之法。先以硼酸水洗。之後以沙利沙酸堆在雞眼之上。再以油紙或象皮紙貼上。數日便脫。○猶納氏方。以甘油凍環搽雞眼四圍。約四五分。後貼幾阿蘇沙利沙酸膏藥。利沙酸四十分沙利阿蘇四十分 再用甘

油凍薄敷。一層。以布卷包裹。數日便落。亦有用碘與鎰養酸。并艾丹藥等品者。但無大效。

咳嗽 Cough.

此症非專指肺部之病而論。覺有咳嗽。醫者當審其病由。究因何故。如肺勞初起。每有乾咳。又如喉部有病。或吊鐘下垂。或鼻息或喉乾。均可累及肺經。以致咳嗽。西醫統稱之曰累病。Reflex. 治法。最效宜加波匿酸一錢。哥根一分二釐。硼酸甘油四錢。玫瑰水到十二兩。相合。或噴射或漱口。頗效。又如鐵綠。銀淡養。白礬。炭匿酸等。亦可用之。

有耳部之病。如出痘或耳蠟過多。或外物入耳。亦可致咳。因飲食時牽動內耳。累及腦筋所致。治宜射洗耳部自效。○小兒出牙之時。每有咳嗽。待牙出咳自去矣。○成人齒牙蛆蟲脫下。第留牙根者。將根拔去。咳嗽自止。○肝生膿瘡。或胆淋者。亦有咳嗽。治肝與胆。咳嗽自愈。○胃不

消化亦多咳嗽。宜服鉢淡養。哥地那。或輕炭淡酸等。自愈。此外如酒腳風初起。以及小兒蟲症。積食。腦病。狐惑症。均可致咳。更有一時暴咳者。*Spasmodic Cough.* 宜大服輕淡溴。鋸溴。哥羅方。綠養冰。哥地那。謙落。嚙啡。鬧羊花。蘋茄等。均可用之。○又少壯發身之時。飲食過於精細者。每致咳嗽。治法。飲食宜減少。早睡早起。運動過常。喉部用硼酸。甘油。或合鉢綠養。*Oxychlorate of Bismuth.* 噙啡。哥根。每食後搽敷一次。并臨睡時搽之。內服鐵。溴。馬前冰。金雞那霜。并小服鉛石。甘松。鋸。蘋茄等品。

抽肌 Cramp.

此乃肌肉之腦筋。一時抽搐之故。大約小腿後肌。最多患之。治法。當時用手重擦。并須將脚向前提伸。或當時以象皮布卷包紮。立愈。不必服藥。

先天不足 Cretinism.

概爲父母遺體柔弱。以致身體羸瘦。腦虛。靈性不足。或如癡如呆。或四肢骨軟。或脊骨曲倨。治法。宜出外遊行。改換水土。飲食精細。內服大補之劑。且患此症者。淫慾甚熾。醫者須當儆戒之。嚴忌自重爲要。

喉痧 Croup

此能傳染喉爛之症。大約忽然發患。多在半夜起發。因喉部內皮炎熱。生出假皮。以致氣逆哮喘。猶如鴿鳴之聲。重者呼吸極難。面色瘀黑而死。此症小兒患之。其聲管發炎。聲管肌肉抽搐。是以呼吸極難也。治法。首宜取吐。或吃暉略。鋸錫。葡。鋸礦養。銅礦養。阿伯。嚙啡。海葱。芥辣等品。或以雞毛拭喉。大凡一二歲之小兒。可服之藥列後。一吃暉略。葡萄酒。每服一錢。或粉半分。每一刻或半點鐘一服。或以鋸錫。葡八分釐之一。或錫。葡萄酒半錢。每一刻一服。○一方錫。萄酒四錢。吃暉略。葡萄酒四錢。海葱糖露四錢。水至三兩。每一刻服一錢。至吐。每三點鐘服半錢。○二鋸礦養三釐。或

銅礦養四分釐之一至半釐。則取吐極速。但吃嚥咯葡萄與銳錫葡萄。服後兼有化痰之功。其欲速吐。則服鋸礦養銅礦養二劑爲佳。○三。阿伯噬。概不用之。不得已用者。宜三十五至五十分釐之一。用皮膚針射入。審體質之強弱酌用之。○小兒既已吐後。其房中天氣宜潤。汽壺噴飲食衣被。均宜小心。未吐之前。可用熱水沐浴。喉部用極熱海棉外壓。亦有用蟹螯水弔炎者。亦有服白蘭地牛內汁提神者。或謂此症卽爛喉痺。二而一者。或謂此症與爛喉痺大相懸殊。英醫謂此症與爛喉痺固相懸殊。此則聲管發炎。有汁流出。結成假皮。脫後新肌清淨無污。爛喉痺。則假皮脫後。新肌汚穢有毒者也。○或謂聲管第炎而無毒者。曰假喉痺。而此症有毒。病勢快速。治照上法。首宜取吐。初起飲食。最宜提神。牛乳佛倫典牛內汁雞湯凍。均可食之。其臥房天氣宜潤。如小兒甚覺煩燥。極喜飲水。爲父母者。切勿聽之。可以牛乳等代水。隨時取飲。有時宜提神精補之食物。如牛肉汁。白蘭地。麥汁等物。如呼吸難不能下咽者。宜由肛門射入。其喉部則用熱壓劑。亦有冷水壓者。忌用銀淡養等搽藥。或以松節油。得力平。郁加利達油。幾阿蘇。碘溴。加波匿酸。柏油。安息香。雜酒。哥羅方等。合熱水吸食其氣。或用松節油。郁加利達油等品。噴射房內。亦有用硼沙甘油一兩。玫瑰水八兩。噴射喉部者。每二點鐘一射。○一方。乳酸三錢。灰水八兩。每十兩另加波匿酸。於提神不無用之。或嫌其性太烈過一錢。噴射喉部。能使腐質脫下。但不若用硼砂甘油爲穩妥也。內服之藥。先吐。吐後一方。吃嚥咯葡萄酒六錢。甜消呻吟四錢。輕淡香酒三錢。刀魯糖露一兩。樟腦水到四兩。每二三點鐘服一錢。二三歲小兒宜之。如呼吸難氣逆重者。卽以此藥。每一刻一服。至吐爲度。不必另服吐劑。如小兒身熱者。每服可加草烏豆酒半滴。連服六次。宜止勿服。○如服以上之藥。呼吸仍難不效者。忌服銳錫葡萄恐性後太之與阿伯噬。惟白礬。每一刻服半錢。

合糖露同服。或銅礦養五釐。或鋸礦養三釐。每一刻一服。至吐爲度。

銅礦養
更安

鋸礦
養較

○亦有用松節油一錢。或加路迷四分釐之一至半釐。或汞綠水。或安的拜林。或銻碘。查潘闡達等品。均無大效。凡治此症。宜知喉部割法。知病將危篤。審及早割之。見肺外面脣縫形凹者。因肺部少氣之故。此時適用刀時也。切勿至不得已之時施刀。往往至病家願割而醫者已難施其刀圭。以至肺部積血。脈象沈細。唇疔人倦而死。○割法。先令小兒仰臥。使喉外凸。聞以哥羅方。後在總氣管之頭。漸漸割入。至見氣管韌骨。自第三氣管骨。向上割入。割至環韌骨。約一寸長。用刀柄將割口撐開。插入銀管。至換銀管時。醫者以及服侍之人。均宜小心。以防傳染。每有因換銀管傳染其毒而殞傷者。可以硼砂甘油噴射之。至六日後。將銀管取出。此時飲食最宜提神。並服補劑。○一方。鐵綠酒一錢半。吃啤略葡萄酒二錢。鉢綠一錢。甘油合水到二兩。每用一錢。化水服之。每一刻一服可也。

髮頂枯靨 Dandruff (Seborrhoea Capitis.)

治法。用油抹之。橄欖油或杏仁油切忌用肥皂水洗。脂油亦可用之。但久用有變臭之弊。搽時須將頭皮。一共抹遍爲要。如不愈者。七日後。以硼砂或蛋黃。化水。或藍皂化火酒洗之。揩乾。將油抹上。亦有用了葛油搽之。或搽黃汞養油。紅汞養油。或謂有蟲之故。宜以汞雙綠水。或硫磺水洗之。如因水蠍癩舊症所致者。一方。卡而白兌對兒琴水二錢。汞輕淡綠一錢。佛士林三兩。調勻。用此搽之。最有效驗。大抵內服之藥無益。亦有以鈎炭養水洗之者。不第無效。反使病重。必須用油敷之可愈。

虛弱 Debility 或作倦怠

此爲別病所累。乃病後之餘狀耳。年老衰弱。自然有之。治非補益不可。鐵雞那霜。牛汁。麥液醬。燐魚油。鉛石。木本苦劑。電震。海水沐浴。鞦韆。運行身體。均與此症有益。

瘋癲性亂之類 Delirium

此亦病狀。因有別病累及。詳後各症條內。

酒瘋 Delirium Tremens.

此亦癲狂之類。宜靜居閒養爲要。其住處凡可用以自戕損身之物。須當收拾。服侍之人。凡與病體無碍者。務須事事順之。切勿囚禁桎梏縛繫。親朋友戚。一概勿見。飲食宜用滋潤流質。牛乳牛汁雞湯等類可也。大約醉後一二三日。病人自覺疲乏。一睡而醒。霍然而愈者。即不服藥亦有愈者。至於酒之可戒與否。醫者須審明病體。不可妄戒。如形容憔悴。面晦唇瘡。脈象沉細者。必不可戒。宜以好酒合輕淡香酒一錢。合呻吟同服。○甯睡之劑。能不用則更妥。不得已必須用者。可服銳溴等劑。所以不服甯睡劑者。因腸胃之吸核。當時無力收攝。至一時醒後。頓有收攝之力。則合數服爲一服。無有不債事者。故鴉片。綠養冰。兼使心房無力等品。切忌服之。最妥宜服銳溴。每約半錢。嚙啡水。少服勿多。未服嚙啡之先。宜快慢養。還利大便爲安。於病發次晚。或可服之。不睡。

者。次早再服。仍不睡者。至晚再服。惟服時不可過近。至第四晚仍不睡者。病多危險。可服嚙啡水半錢。每四點鐘一服。○有時用銳錦葡萄八分釐之一。與潑來兒海達。二三錢撒發那兒。每服四分而最效。則用鬧羊花精。百分釐之一。射入皮膚。靈驗無匹。如熱症頭痛。用此亦效亦有大服毛地黃。每四點鐘內可服四錢。即每半點鐘服半錢至四點鐘後止如心經肌肉無力。一時癱者。則服毛地黃無效。醫者預先籌及。不如服馬前冰。其功速能醒酒。馬前善能戒酒并補心力。可以馬前酒分半。毛地黃酒七滴。合服。後另服忽斯克酒一兩。合輕淡香酒一錢。再以馬前冰十二分釐之一。射入皮膚。并以芥辣膏貼在心部。另以熱水煨身。凡酒醉頻死者。此法可救。如過一刻未效者。再服前藥。其背部亦可貼芥辣膏。

心癡 癡呆 Dementia. 俗名挫心

治法。飲食最宜精細。多飲補益之流質。不肯食者。宜以胃水節射入。最

安用彼伯辛合牛乳。每日可飲百六十兩。或以 Fairchild's Peptonising Powder。粉。合法用甜肉汁 Pancreatin。五釐。鋸炭養二分。水一兩。再合牛乳二十兩。浸百十度熱水中。約一點鐘時。然後飲之。功用相同。如不合牛乳。可合藕粉粥湯亦可。○有時不肯飲食。可由肛門射入。又麥液、鐵、魚肝油、雞那、砷石、淡輕綠。淡酸等。以及輕淡。忽斯克酒提神之品。均可服之。或電震亦可。

熱瘧 有紅癰 Dengue.

此乃熱症。熱時骨節疼痛。相近赤道諸國有之。此症始於印度。於一千八百七十三年流傳中土。病發時全身疼痛。先發紅癰。至退再發一癰。惟無譖語神昏之狀。治法。首宜通利大便。概用加路迷。後服雞那霜。每服半分。或鋸沙利沙亦可。骨節痛者。宜服蘋茄鴉片酒。熱退後。宜服鋸溴與碘。餘照熱症治。

出牙累病 Denlition, Disorders of.

凡小兒出牙。病症不一。如抽搐。已詳上文煩惱。啼哭不安。大抵嚦啡鴉片之劑。宜忌勿服。所宜者鋸溴。或輕淡溴。或甜消呻最有功效能使血管放大發表吁。一方。輕淡溴半錢。甜消呻每服吁一錢。輕淡醋水四錢。糖露四錢。哥羅方水到二兩。每二點鐘服一錢。凡週歲之小兒。出牙諸症。均可服之。惟服此藥之前。先服銀灰散一釐。合小匙瀉葉糖露瀉之。

淡水消症 Diabetes Insipidus.

此乃小便頻數極多。概難治愈。取治之法。○電震。一在頸後。一在胃部。每一震約半刻之久。○內服安的拜林。每服半錢。漸加至錢半。○甘松錠珠。每日服二分。又鋸淡養。每服半錢。或鋸碘。汞碘。鋸溴。淡輕綠酸等。均可取服。惟嚦啡、鴉片、哥地那、宜忌。其衣被宜用羊絨。其餘如鐵、馬前冰、金綠、

沒石子酸。了葛、幾阿蘇、白礬、蘋茄末。司克林、比魯介賓、銣葡酸散等。概無大效。至於飲食。反流質少飲。則小便亦減。惟此法病人甚覺不舒。

甜水消症 Diabetes.

此亦小便頻數極多。而其中多涵糖質。味甜。故名甜水消。治之亦難。凡涵糖質食物。以及漿粉之類。均宜切忌。大抵此症無一定治法。依各人之體質食量有改變。醫者須每日試其溺中之糖。或減或增。與其身體或輕或重。便知治之合法與否。○試溺中糖法。取病人之溺四兩。納十二兩玻瓶中。和入發酵之藥。German Yeast。用白藥亦可 瓶塞上。少留小孔。置在溫熱處。另以一瓶。不和酵粉。亦同置一處。過一日一夜。用溺表試每瓶溺之輕重。如合酵粉之溺。較重一度者。卽知每兩之溺。內涵純糖一釐。每日若用此法覈試。極準無差。卽可知所治各法。有益與否。○此症所忌各物。必不可食者。列下。蕃茹、芋艿、蘿蔔、豆、蘋梅、李、桃。一切水

果。藕粉。饅頭。麥。西谷米。小米。粟。蛤蜊。蝦蟹。

可食之物列下。肉。雞。鴨。鵝。勿食 魚。煮時勿加漿酒。漿粉。

細小葱頭。

四季豆。

細小時可食之

香芹菜。

許少

雞司。

奶油。

白塔。

雞

蛋。而最妙以麥皮合雞蛋白塔。成爲饅頭。可常食之。惜中外醫士。莫能另製一物。可代西國之饅頭。與中國之飯食者。英之倫敦。雖有專製此症食物之舖。而所製者。究未能如常食之饅頭。使病人合口喜食耳。亦有用辯魯頂。Gluten Bread。足用。加麥皮四杯。Finest Bran。六角粉一匙。Indian Flour or Meal。白塔六兩。鑄炭養一小匙。成饅頭食之。最佳。其中有漿粉類。其中亦少貝氏云。最妙常食杏仁。其功補有油。且多涵淡養之質。可以杏仁粉合雞蛋加酵粉。Baking Powder。使發酵後。烘成餅食之。惜其價過昂 或以麥皮成饅頭食之亦可。惜補身料不足

亦有以沙亞 Soya 成饅頭食之。功同杏仁。

其實多油而漿粉極少 或常食旦氏 Dangpe's

bread. 佛氏 Fürbringer's Gum Bread. 之饅頭亦可。○所飲之茶。或茄菲哥

哥。均可。惟不能加糖。如欲甜味宜加撒克林。Saccharine. 或甘油或乳油。

亦可合服。○口渴者。宜以鋸葡萄酸。燐酸。乳酸。冲淡隨意飲之可也。○如

提神可用忽斯克或舍利酒。

忌用舊酒與紅酒

○病人之飲食。宜有定時。又宜靜養。

勿勞心身。惟須運行吸新天氣爲要。○童氏之法。第令病者飲淡牛乳。

將牛乳澄十二點
鑄後去油飲之

每日約十斤亦效。此法肥胖者可用。瘦弱者恐亦無濟。且飲

牛乳時。渴雖無糖。而改食別物。渴仍有糖。○內服之藥。何爲對症之劑。迄今尚未考得實據。而其平常可用。歷經試覈推爲靈驗者。一鴉片膏。每服半釐。漸加至二三釐。或謂每日服咖啡一釐。功勝哥地那精三釐。故有多用咖啡者。二大服安的拜林。每服一分。日四五次。至渴中有蛋白爲度。又安的非白林。或克撒而仍。亦可代用。三卡而敗蛤蜊泉水。

Carlsbad Water, or Vals and Vichy.

服至渴變蛤蜊爲度。○或謂撒克林

與甘油。能治此症。恐亦相傳之說。而無實效耳。餘如鋸。錳。輕養二。Per-oxide of Hydrogen 鍶溴。沙利沙酸。哥根。石礦養。雞那霜。幾阿蘇。鉛石溴。乳酸。Lactic Acid 匹克利克酸。Picric Acid 有用之者。均無效驗。○補身之藥。如鐵。魚油。雞那霜。鉛石等品。宜佐服之。

附貝氏治此症可食之物。一切肉食。去肝鮮魚。牛汁。雞蛋。雞司。白塔。乳油。杏仁。姆魯頂。菜。洋蘿蔔。香芹。菜。蘑菇。蘿蔔。芥辣。又蘿蔔。四季豆。包心菜。若煮之最久。則糖味外洩。少可食之。此外如橄欖。芥辣。醋。絕力凍。無糖核桃。茶。茄菲。哥哥。白蘭地。忽斯克酒。舍利酒。均可食之。○其餘凡糖類。與植物涵糖者。均不可食。

泄瀉 Diarrhoea.

此乃病狀。非病本也。治宜審其病由。或因食積不化。或由感冒風寒。或

由別病所累。其間因食積不化者爲最多。○因食積不化泄瀉者。肚腹多痛。治法宜服草蘇油以導之。痛者服薄荷油。每服五滴至於鎌之鹽類。宜忌勿服。因化水服後不能將積食盡去反多疼痛概不取用。此症小兒最多患之。概由飲食。或因牛乳。其大便每有綠色。醫者若投以歛劑。病則更劇。須將在前所食之乳停止。另僱乳娘。其貧寒者無力僱用乳娘。可以鮮牛羊肉搗取其汁。或熱飲之。或冷飲之。或餽以代乳粉均可。小兒未飲食者宜代乳粉如病勢畧退。不可遽飲牛乳。

○六月之小兒患此者。宜以鮮牛乳三分。乳油一分半。灰水一分。乳糖三分之一。沸水二分。相合。代乳飲之最佳。○如二三歲之小兒。夏暑患此者。稱爲小兒霍亂。亦因所飲牛乳已壞。細蟲內有食後在腸胃生發細蟲有毒。使腸汁加多。成爲泄瀉也。其治法。忌飲牛乳。投以冰水。合少許草蘇油可也。○一方。鑄炭養四釐。大黃粉一釐半。桂皮粉一釐。相合作一次。服後食代乳粉。他物均忌。○凡預防此症之法。須將小兒所食牛乳納。淨玻瓶煮熟。空瓶用硼酸水洗之。逞熱將瓶塞塞緊。則無毒。且經時不壞。或謂牛患啞嘶。可由牛乳傳及小兒而患此者。其牛乳用此法煮之。則啞嘶亦減矣。新擠牛乳亦宜少納硼酸爲妙○如小兒患此。已斷牛乳。病勢已減。畧有泄瀉者。一方。鉢炭養四分半。樟阿酒一錢。甘油四錢。樹膠水四錢。哥羅方水到三兩。每瀉一次。取服一匙。每二二歲之小兒宜之。如四歲之小兒。服此。則鉢炭養宜加倍。樟阿酒宜加二倍。○又納弗石林。大有解毒殺蟲之功。二歲之小兒。服半至二釐。日四次。合糖水服。六至八歲之小兒。可服半分。又沙羅之功相同。六月之小兒。可服二釐。又鑄沙利沙。薄荷油。每四五釐合薄荷油一二滴亦可服之。又立坐新加波匿酸。幾阿蘇。汞雙綠。郁加利達油。甘油。硼砂。乳酸。埃阿達方。均可取用。又鴉片。兒茶。檳榔。紅蘇木。鉛醋。銅礦養。鐵礦養等品。亦有用之者。○如小兒大便色綠極臭者。宜服加路米六分釐之一。每一點鐘一服。半日後宜止勿服。○亦有用硼酸水射洗。

胃腕。或以溫開水射洗。亦可直腸。○如肚腹捲痛者。宜用哥羅方綠養冰印度麻酒樟腦鴉片等品。使腸迴少於轉動。不第痛去而瀉亦止。○久瀉不愈者。宜鉢淡養三分。鴉片香石粉三分。每三點鐘一服。又亞羅雜飲。治此症最有效驗。小兒每服一錢。成人每服兩半。極妥而佳。○一方。兒茶酒四錢。檳榔酒四錢。鴉片酒二錢。樟腦酒三錢。石炭養合劑到六兩。每四點鐘服一匙。

如新症不愈變爲舊症者。治宜亞羅雜飲瀉之後。服淡礦酸。每四點鐘服二分。或香礦酸。每半錢。日三次。或礬水。每六點鐘服分半。或銅礦養。或銀淡養。成丸服之。每四點鐘服八分釐之一。或輕淡炭養。輕淡綠。每四點鐘服半分。或沙利沙酸。每六點鐘服半分。或鋸礦養鋸養。兼肺勞者最宜之。每六點鐘服四釐。或砷石水。每服二滴。善治霉毒泄瀉之症。或辣椒。每四點鐘服二釐。酒後泄瀉與暑瀉者宜之。或薄荷油。丁香油。

加絕布的油。每服三滴。或炭粉或納弗石林。每服半至一分。或了葛精。每服半釐。合嚙啡同服。或吃暉略。每六點鐘服二釐。飯後服之。或蘇木膏。每服一分。或炭匿酸。沒石子酸。每四點鐘服半分。或硫養酸。淡酸。輕綠淡酸。合雞那霜馬前同服。或布道非連。每晚服四分釐之一。或加路米。每服三釐。或大黃雜酒。每日二次。每次一匙。或卑伯新。小兒久瀉宜之。或鴉片合漿粉。射入肛門。或大服雞那霜。每服一分。以及鮮牛汁。藕粉。佛倫典牛汁等。均有用之者。

爛喉痧 Diphtheria.

治法。首宜顧其飲食。須要精細補身之物。病人宜靜臥。衣被宜絨布。四肢冷者宜熱水瓶煨之。并常服提神之劑。如忽斯克白蘭地酒或龜板湯。Turtle Soup。牛肉湯。或牛汁合卑伯新。均可飲之。○此症最耗精神。耗盡則死故治法首宜飲食補之。所有飲食均合卑伯新。如病及聲管。宜用噴氣各藥。房中天氣宜潤。○此症最

易傳染。醫者宜慎。不使多人進出。所用器皿。均須硼酸水洗之。○內服之藥不一。最佳服鐵綠酒。每四點鐘服二至三分。如身熱者。宜合輕淡醋水。○一方。鐵綠酒一兩。輕淡醋水三兩。甘油一兩。水到十兩。相合。每四點鐘服一匙。合水一兩同服。○亦有服毒劑以殺其蟲者。如紅汞碘。或汞雙綠。每服三十二分釐之一。或加路米。每服一釐。或汞衰。每服四十分釐之一。均可。○大抵專用鐵劑者。不用汞。專用汞劑者。不用鐵。亦有用硼砂、硼酸、或服松節油。每服半錢。或郁加利達油、幾阿蘇、輕養。或沙利沙酸。或鈸沙利沙。亦有合松節油同服。亦有專服礦粉。或合甘油同服。則功力更佳。○一方。淨礦粉三錢。敲過拉達粉 Chocolate Powder. 二錢。甘油六兩。肉桂水少許。相合。每服四錢。或謂礦粉最妙。合橘漿同服。亦有用安息鉢。安息酸。銻綠。每三點鐘服一分。或硫養酸。每服半至一錢。或圭阿禁。輕淡酒。每服半至一錢。或銻輕礦養水。每服三四分。或鈸輕礦養。每服二分。或石礦養。每服十六分釐之一。或綠氣水。每一點鐘服分半。○外治之法不一。有外不用藥。專恃內服者。有專恃外用之藥。而得愈者。因此症假皮之蟲。有汁流出。以致漫延。或入血以致病重。是以內外取治諸藥。均以解毒殺蟲爲要。○近來外搽丹劑者極少。前次多用丹劑之法。概用軟刷刷去假皮。或以卑伯新。或巴卑粉。搽擦假皮。善能散之。或以乳酸一化水八漱口。或以灰水一至十漱口。亦可刷之。或以食鹽搽抹爛處。而最效則用硼酸水。足化玫瑰水八兩。噴射喉內。亦有用鈸綠銻綠銻錳養綠養冰松節油柏油得力平等品者。○如危險者。宜趁早割之。通入銀管。近有施種新法。彷彿種豆之法。以 Antitoxin Serum. 射入皮膚。約一日一次。至愈爲度。

此症愈後。每有一處癰瘍者。宜服咿嘶頓補藥。與鐵魚油等品。

脫骨 Dislocations.

治法審明部位。照法送入。愈早愈易。每有過數十日。以至肌筋粘連者。治之頗難。須用哥羅方。然後送入。是非醫者熟悉各節部位手法老練不可。○一經送入。須包紮合法。不使再脫爲要。

救溺死 Drowning.

救起當使仆臥。頭須畧低。以手推動肚腹。水自流出。○水已盡。^一宜開口。○口內均宜抹淨。將舌拉出。全類不使縮入爲要
用象皮圈套在舌上與牙關張開。放寬衣襟。^二宜仰臥。○脚宜低背宜高。^三通呼吸。○搖其兩手。每一分時宜十五次。或浸入熱水。約五分後。以冷水拖擊。^四宜取嚏。○或搐痧藥。或聞輕淡。或雞毛拭喉。腦部則用冷水熱水拖擊。如呼吸已通。醒則能動。^五運行氣血。○宜換去濕衣。蓋以絨被。內飲熱酒。此乃賽氏之法 *Sylvester's* 也。
夏氏 *Marshal Hall's* 之法。不使仰臥而側臥之後。則忽而仆臥。忽而側臥。

頻數爲之。餘同上。

好氏 *Howard's* 之法。以溺者之手。仆墊額下。不使口閉。肚下墊以溺者之衣。在背後以手推動兩脇。則水自出。後使仰臥。將衣墊在背部。使胸腹高凸。頭宜低睡。再將兩手提搖。如攀空形。或再以兩手在肺部之低。用力推壓。約二分時。忽然去手。則呼吸自通。兼以呻吟射入可也。餘同上。○大約入水二小時。尚可救活。過此不救。

指縮筋網變厚致縮 *Dupuytren's* Contraction of the Palmar fascia.

因四肢掌心。皮膚變厚如朕。以致一指彎縮者。治宜用手法。時時拉直。或包裹。否則用小刀將該處筋網割斷伸直。然後包紮。或謂須將筋網。一共割出。否則無效。

痢疾 *Dysentery, Acute and Chronic.*

此症吃暉咯必不可少。初起用之。效驗極靈。用治舊症則緩。初起或大

服。每服二分半至五分。或成丸服。或合糖露同服。服後必須靜臥。數點鐘內勿進飲食。胃部外貼芥辣膏藥。可免嘔吐。

大抵有病症服此少吐與無病者異

宜射入嚙啡。或服鴉片酒。

○如服吃嘔咯後。大便

已乾者。以後每四點鐘服五釐。合鑄雙炭養鉢鴉片同服爲佳。

○大抵

初起。忌用歛劑與鴉片各藥。

○如瘡痢宜早晚服吃嘔咯。

中午服雞那

霜可也。

○病人之飲食。最宜湯乳藕粉等流汁之物。

○如肚痛裏急

後重者。最宜熱水沐浴。

○如小兒患此。兩歲之小兒。可服吃嘔咯四厘。

○已成舊症。吃嘔咯或可試服。而無大效。大約每八點鐘服八釐。如服

二三日。如常無效。則不必服。第須改換飲食與住處。并服補血之劑。

一方。銀淡養一釐。吃嘔咯三釐。嚙啡半釐。相合。每六至八點鐘一服。已

服吃嘔咯粉無效者。宜之。仍不效者。宜沒石子酸。每服一分。日三四次。

或鉛醋三厘。鴉片粉一釐合服。或銅礦養、鍾礦養。亦可服之。亦有專用

用之者合法耳。

鐵淡養水。每服半錢。用水沖淡服之。每六點鐘一服。或每點鐘服一分亦可。

○如大便已止。二三日不便者。宜少服草麻油以潤之。

○裡急後重者。宜鴉片合漿粉射入肛門。或熱水沐浴。或嚙啡甘油等尖丸。納入肛門。如病在直腸者。宜以銀淡養八釐。化水二十兩。或三釐化水二兩。射入肛門者。亦有以礬化水。廿五或克羅林。二或納弗石林。或汞雙綠。化水射入肛門者。印度國每以備而果流膏。Bael fruit。每服一二錢。能治此症。餘如松節油、郁加利達油、幾阿蘇。與碘劑。用以解毒者。效驗與否。在胎盤未盡夾在子宮所致。

經痛 Dysmenorrhœa.

此亦病狀。非病原也。治法。宜審其病由。或爲少血。或爲子宮之病。大抵一爲經管閉窄。或變曲所致。二爲腦筋痛。三爲炎症。四爲產後包衣或胎盤未盡夾在子宮所致。

一經管窄者。則經水難出。治宜張大宮口。或用子宮通管。自一號通至末號。或數日緩緩通之。或一時通之。或以撐翦張大。或以海綿線 *Sponge tents*。依法插入。少頃漸化。能張大之。或謂諸法均宜慎用。若不用解毒之藥。尤甚。棉線屢有發炎之弊。○又馬氏之法。*Madden's*。其法經斷後約一禮拜時。先用熱水射洗子宮側臥。聞以哥羅方。後用子宮刀 *Simpson's Original Metrotome*。連割二次。以藥水射洗。再以翦張大宮口。後常洗淨。并以棉花甘油。合加波匿酸塞入。約十日後。再納入子宮撐。*Stem pessary*。或謂此撐不效。宜用翦。先翦子宮外口。後以鈍頭刀。割其內口。

二因腦筋痛症。宜靜臥坐熱水盆。凡止痛提神之品。酒類。均宜慎用。○極痛者。宜聞咿呀或哥羅方。或服咖啡四分釐之一。合了刀邊水一滴。或以咖啡尖丸。或鴉片尖丸。或鴉片酒三分。合漿粉射入肛門。○綠養冰每服分半至二分。能止痛寢睡。○印度麻膏每六點鐘服十二分釐之

一。○蘋茄汁每服三至五滴。服六次宜止。○白塔綠養冰每一點鐘服二釐。六服爲度。○或聞淡養氣。內服須四分釐之一。每一點鐘一次。六點鐘後宜止。○甘油淡酸片。每一刻服八分片之一。○樟腦每二點鐘服二釐。或電震。或安的拜林。每六點鐘服一分。或其拉撒米姆酒。每二點鐘服半分。或海士林。每服二三分。或了葛或鏽溴。銳溴。輕淡溴。每六點鐘服半錢。又甘松錠珠。阿魏麝香。圭阿禁。果子鹽。均可取用。○平常月經未來之時。宜飲食精細。吸好天氣。血薄者補血劑。便閉者有風濕者。均照法治之。

三因子宮發炎所致。大抵爲行經時。感襲風寒所致。治法。宜坐熱水盆。或以芝麻粉芥辣。壓肚腹左右。或以溫熱水射洗子宮。并服表劑。至妙。服草烏豆酒。每半點鐘一小服。或合山米斯同服。○一方。草烏豆酒一分。輕淡醋水兩半。山米斯酒錢半。哥羅方水到八兩。每一點鐘服一匙。

亦效。○疼痛難當者。所服之藥與前同。嚙啡綠養冰印度麻等。均可用之。○如極痛不爲風寒者。概爲肥胖血旺之故。宜服鹽類瀉劑。○一方。鎂礦養兩半。淡礦酸一錢。銳錦葡一釐。薄荷水到十兩。每三點鐘服一大匙極效。未服此藥之前。宜先服汞丸一粒。或隨飲蛤蜊泉水爲要。○經行之時。飲食宜節。常須運行爲要。

四 產後子宮之病所致者。宜以電針震之。有子宮專器 但必須算明所傳電力。多少輕重。平常電箱不可妄用。大約每禮拜電震二次足矣。或將子宮開張。括淨所積之物。再以藥水洗之。○如極痛者。照前法治。又宜通利大便。平時身體虛弱者。宜補益之。

五 子核之病所致者。宜治子核。須用電震。一在子核外部。一在尾閭骨處。或服鈎溴。或鈎碘。每服分半。○如子核下垂者。直腸不可積糞。常以溫水射洗肛門爲要。○經水已盡。不必服鈎溴與碘。宜補益之鐵。與砷。

石等品。○疼痛照前法治。或聞哥羅方。

胃滯 *Dyspepsia, Acute and Chronic. Irritative and Atonic.*

此症分爲新舊虛實四種。

一新症概爲飲食不合過多之故。節食自愈。○如疼痛者宜吐之。服吃嘔啞三分。或鋸礦養三分。或芥辣粉一匙。合溫水服。再飲多水取吐。此法較服止痛之劑更佳。因服止痛之藥。痛雖止而積食仍未去也。○如疼痛不因胃部積食。而在腸迴者。宜瀉之。最妙服辛拿雜酒。取功極速。○疼痛時宜蛤蜊之流質。鈎水合乳。或藕粉牛汁等均可。○嘔吐極重者。宜服嚙啡宜少或粉服之。約十六分釐之一。極效。或以淡輕袞酸二滴。合沸鹽同服。亦能止痛。亦有專服鉢炭養。或鉢養以止痛者。至分半每服半 或胸部貼芥辣膏。亦能止痛。○此症茶湯宜減。可以忽斯克二錢合一兩鈎水代茶可也。○如二三日後。宜飲滋潤之肉湯。少進飲食。

二 舊症纏綿不愈。治之頗難。有數十年仍不愈者。醫者見症首宜審其病由。然後施醫。否則治之無益。譬諸好酒之徒。欲病愈而酒不戒。雖有良工亦奚以爲。是非戒酒不能治愈。亦有爲意氣忿怒 *Mental worry*。過甚。以致病症纏綿者。當改之可愈。○此症飲食最宜小心。大抵患此者必有一種食物與病不合。醫者細靜察之。無有不可查明者。然忌口亦不可過嚴。多有因飲食過忌。病反增劇。因血中補身
料不合之故 大約肥猪肉、小牛肉、猪油、糕餅、煮肉烹肉易化鹽、鹽肉、鹽蛋、核桃、蟹、蝦、蕃茄、蘿蔔、新饅頭、油菜等類。凡菜
有黃

花同類子者
均不可食

均宜忌之。○可食之物。如烹牛肉。與野雞、羊肉、鮮魚。以及生菜。

南瓜、東瓜、芹菜、藕粉之類。均可食得。○又每日飲食宜緩。咀嚼宜爛。湯水宜少。食物不可頻數。切忌濃茶與酒。食後不可忿怒急走。不可過用力過勞。神起牀後不可當時食物。宜過一點鐘。方可進食。平時起居飲食身容。均宜和平喜樂。不使腦部有累。致不化。○至於內服之藥。便

閉宜通利之。血薄宜補益之。嘔吐宜平胃劑。鉢炭養爲最穩妥。每服一至分半。或合輕衰酸服。或合嚙啡同服。宜少服大約自二十
四至十六分量之 ○一方。鉢炭養三錢。鎂炭養三錢。嚙啡一釐。相合。分爲十八包。每飯後一點鐘服一包。日三次。○又方。鉢炭養五錢。淡輕衰酸一錢。嚙啡水二錢。樹膠水兩半。哥羅方水到四兩。每服小匙。日服四次。○又鉢水 *Schacht's Liquor Bismuthis*。善治胃痛嘔吐作酸等病。每服一錢。功效極靈。○又蛤蜊宜常服之。宜鏑炭養。約服一錢。或輕淡香酒。每服一二錢。或輕淡炭養。或安的拜林。每服半分。不過一時之功效 或幾阿蘇。成空丸服之。又久病者。宜銀淡養。每服半釐。或銀養二釐。或鋰養。均可服之。如口涎多者。宜白礬半分。合炭匿酸一分。檳榔一分。或以鴉片合炭匿酸服。或外貼芥辣弔炎。或蜞吮。或以淡輕綠酸本化浸布貼在胸腕。○有時胃經積血者。因心房之病 宜鹽類瀉劑。瀉後服毛地黃。補其心力。○如胃炎因肝胃積血者。先宜加路迷半分瀉之。後

再服鹽類瀉劑可也。如因內腎之病所累者。宜先治腎症。○此症最簡妙法。宜每早空肚飲熱水一小杯。平時亦○如因胃汁多者。宜每早少飲酸水。輕等酸能○如胃弱不化。因體虛血薄。不由飲食。宜少服蛤蜊類。使胃汁加多。使胃汁加多故不化○如鎗鍊鎂之炭養。或灰水均可用之。○大抵空肚服酸。能使胃汁少。服蛤蜊。能使胃汁多。○一方。胃汁少無消化之力。宜 鎗炭養一分。鉢炭養五釐。奇拉大酒分半。高林布湯加至四錢。每早起牀時服之。可以進飲食○又方。鎗炭養半分。鎂炭養一分。大黃粉六釐。每早空肚服之。功用與上藥水相同。○又方。鎗炭養一兩。大黃粉六錢。高林布粉一兩。薑粉四錢。佗佛散三分半。雞那霜二分半。相合。每早空肚以一小匙。約半錢化水服之。○如胃極酸而痛者。食後二點鐘。再服一小匙。頗效。○服酸劑雖能使胃汁減少。但亦有服酸劑以抵胃汁。適成消化之功者。故酸劑亦不可少。體宜食如一方。淡輕綠淡酸六錢。

士的年水錢半。橘皮酒一兩。高林布酒一兩。龍胆草湯加至十兩。每服大匙。○即乳酸、燐酸、淡酸。均可用之。又如卑伯新。一切胃症。均不可少。或以卑伯新葡萄。合淡淡酸服之。亦效。或○一方。乳酸一分。嚙咙二十分釐之一。雞那霜二釐。或合鉢劑少許。每飯後服之。又甜肉汁與巴卑粉。每飯後服二釐均有有效驗。○又方。鉢碘釐半。吃哩略葡萄酒五至十滴。高林布湯半兩。合作一次服。亦有以沙利沙精一分。化水二兩。或鉢石水一滴。至十滴加潮化水二錢。每飯前服之者。亦有服甘油四錢。合馬前酒數滴。或加波匿酸數滴。或一分鎗炭養同服。頗效。○胃之外部。宜推拿法。或電震。亦有用象皮圈。每飯後包之者。甚有用處。如胃滯極痛者。以象皮布卷包之。自愈。此法由德國醫士治外症時用之。胃病亦愈後歷試歷驗。或以胃水節射洗。宜硼酸水。幾阿蘇水。○如舊病胃吐。作酸。暖气。此二者均當設法治之。一吐者。最效。宜嚙咙丸。十六分之一又如冰塊鉢劑。每服幾阿蘇。每服一滴。輕衰酸。或哥地那。每服一分。鉢石。每服百分之一。加波匿酸。每服沸鹽。香冰

酒。哥羅方。每服一滴或外貼芥辣膏。如芥辣膏無效者。宜服礦養酸。又如吃哩
喀葡萄酒。馬前巴卑粉。灰水。哥根。鹽每服四分均可試用。卽鏑礦養。每服六分沙利沙酸。

一分郁加利達油。薄荷油。

每服三滴

亦有用之而愈者。二作酸者。宜蛤蜊劑解之。

或空肚服酸劑。不效則宜幾阿蘇。餘詳上文胃酸篇。如胃酸因乳酸加

多之故。當時宜服輕綠酸。最有功用。如因白塔酸過多者。係因脂肉合

水果同食過多之故。宜服蛤蜊劑。鏑炭養與巴卑粉均效。或鎰解酸糖

片。依西國欽定之方。惟其中鎰宜減去。另加鏑綠。或鹽泉水。沸絕

Vichy水。均可飲之。

三嘔氣。又名腸風。

俗名打噫

大約以爲氣出則平。每有故意噫之者。其實愈噫愈重。反使天氣噓入宜服幾阿蘇。巴卑粉。與卑伯新。或推拿胃部。或行氣開鬱之品。如薑汁。丁香。薄荷。以及炭粉。納弗石林。或硼酸。或鏑銣鎂之炭養劑。或阿魏。○此症飲食最宜小心。凡水果漿粉糖類。均宜忌之。又流質茶湯酒水切忌多飲。愈少愈佳。食物宜乾。不使胃內蕩動爲要。

手足癢癩

Dysidrosis.

乃手部皮膚之病。發疹形如水痘。甚癢。宜以卡而白兌對兒琴水。合佛士林搽之。至有水泡時。宜服鉛石。常發不已者。宜鐵鉛石。志按此症。切忌用熱水盥洗。

以上自英文病名 A 字起至 D 字止爲第一卷



